

聖

通歷序

燾著通鑑長編卷帙浩繁學者未能徧覽以得其要
因循世代考次甲歷上自唐虞下迄五代凡三千四
百餘年治亂興亡之事庶可概見名曰通歷先正言
唐虞後惟夏商周漢唐及吾皇朝為正統餘皆閏
統治日少亂日多母論閏統即正統之世不數十年
海內騷然惟皇宋一百數十餘年仁風物阜天下
熙然自唐虞可覩校也不曰久安長治哉國史載在
日歷以衍無疆茲不敢贅元祐二年正月史臣李燾
序



二州封伯禹于夏封四岳于呂封伯益于梁封契
于商封棄于邠封皋陶于六百載癸未帝乃殂落
又二載乙酉舜服喪畢避南河之南
有虞氏帝舜姓姚曰重華虞幕之後瞽叟子繼堯即
位都蒲坂元載丙戌月正元日格于文祖咨十二
牧九官三載戊子考績五載庚寅韶樂成六載辛
卯巡狩七載壬辰作大唐之歌九載甲午三考黜
陟幽明三十二載丁巳薦禹于天命之總師三十
三載戊午正月朔旦禹受命于神宗率百官若帝
之初復九州帝命禹叙洪範九疇三十五載庚申
咨禹征有苗四十八載癸酉帝陟方乃死又二載
乙亥禹服喪畢避於陽城

右唐虞二凡百有五十二載始甲辰終乙亥

夏后氏禹王姓姁曰文命崇伯鯀子繼舜即位都安

邑元歲丙子春正月朔旦會諸侯于塗山定時令

以寅為歲首二歲丁丑皋陶卒薦益于天五歲庚

辰巡狩八歲癸未東巡江南戮防风氏王崩于會

稽益避箕山之陰王子啓即位啓會

后啓元歲甲申三歲丙戌征有扈大戰于甘九歲壬

辰王崩子太康即位

后太康元歲癸巳十九歲辛亥畋于洛表羿拒于河

五弟御母以從遂都陽夏二十九歲辛酉王崩弟

仲康即位

后仲康元歲壬戌季秋月朔辰弗集于房命胤侯征

義和三歲甲子羿滅伯封十三歲甲戌王崩子相即位

后相元歲乙亥征畎夷避羿侵徙都商丘依同姓諸侯斟灌斟鄩氏三歲丁丑征黃夷七歲辛巳于夷畎夷來賓八歲壬午寒浞殺羿代立二十八歲壬寅浞使其子澆及豷伐斟灌斟鄩氏弑相于商丘立相后緡婦于有仍相臣靡奔有鬲明歲癸卯后緡生少康于有仍又二十歲癸亥少康為有仍牧正澆使椒弑之不克明歲甲子少康自有仍奔虞為庖正妻虞二女邑諸綸又十七歲辛巳臣靡自有鬲牧二斟之衆以滅浞奉少康即位

后少康元歲壬午王滅澆于過使李杼滅豷于戈復

禹之績徙都于橐是歲方夷來賓二十二歲癸卯

王崩子季杼即位是為帝輿

后杼元歲甲辰徙都于原五歲戊申征東海伐三壽封仲弟曲烈于郕少弟無余于越十七歲庚申王

崩子槐即位是為祖武

槐芬

后槐元歲辛酉三歲癸亥東九夷來賓二十六歲丙

戌王崩子芒即位

芒和

后芒元歲丁亥以玄圭賓于河乃東巡于海十有八

歲甲辰王崩子泄即位是為世宗

后泄元歲乙巳東六夷來賓始加爵命十有六歲庚

申王崩子不降即位是為帝江

后不降元歲辛酉六歲丙寅伐九苑五十九歲己未

王崩弟局即位高陽一名

后局元歲庚申二十一歲庚辰王崩子廛即位名廛一

后廛元歲辛巳二十一歲辛丑王崩不降之子孔甲

即位 孔甲一

后孔甲元歲壬寅二十七歲戊辰商侯癸生子履三

十一歲壬申王崩子皐即位是為簡皐

后皐元歲癸酉十一歲癸未王崩子發即位名發一

后發元歲甲申諸夷來賓獻樂舞十九歲壬寅王崩

子癸即位是為桀

桀癸元歲癸卯二十二歲甲子公劉遷國于豳三十

三歲乙亥伐蒙山進妹喜嬖之三十五歲丁丑商

侯癸卒子履立是為成湯自商丘徙居亳三十六

歲戊寅商湯之元祀也湯始征葛三十七歲己卯

商湯進伊尹四十歲壬午伊尹復歸于亳四十二

歲甲申囚商湯于夏臺已而釋之五十一歲癸巳

太史令終古出奔商五十二歲甲午閔龍逢以諫

死五十三歲乙未伊尹相商湯伐桀放之南巢夏

亡

右夏十七王凡四百五十九歲始丁巳終乙未內

寒浞篡位自癸卯至辛巳夏統幾絕天下無主

凡三十九歲 夷羿寒浞具後

夷羿偃姓窮國侯也左臂修而善射傳楚狐父

之藝又從吳賀游得事夏后啓以射名太康

尸位十九歲辛亥畋于洛表羿舉兵距于河

又十一歲壬戌仲康肇位羲和叛官離次黨于羿命胤侯徂征又二歲甲子羿遂滅夔子伯封又十一歲乙亥后相立避羿徙都商丘依斟灌斟鄩氏羿荒于從禽信任寒浞：烝羿妻純狐氏又七歲壬午羿歸自畋浞使逢蒙以桃棗殺羿而烹之羿子死有窮也寒浞猗姓寒侯伯明之讒子弟也伯明惡之棄諸窮石羿收之立為相浞既殺羿襲號窮侯因室羿妻生子澆及豷澆恃力盪舟淫于伯嫂女岐是為豷后相二十八歲壬寅浞使澆豷舉兵滅二斟弑后相遂革夏命澆居過豷居戈又四十歲壬午夏臣靡奉少康收二斟

遺民殺浞及澆豷而滅之。三代臣叛君自

羿始弑君自浞始父子俱駢首受戮後世逆臣不禍其身必及其昆裔天道不爽皆類此

商王成湯子姓名履帝嚳子契之後以夏桀丁丑嗣

商侯元祀戊寅十八祀乙未滅夏踐天子位以丑

月為歲首大旱七祀辛丑禱于桑林作大濩之樂

又六祀丁未王崩孫太甲即位是為太宗

太甲元祀戊申有十二月乙丑伊尹祠于先王奉嗣

王祗見厥祖乃明言烈祖之成德以訓于王王徂

桐宮居憂三祀庚戌十有二月朔伊尹以冕服奉

王歸亳三十三祀庚辰王崩子沃丁即位

沃丁元祀辛巳八祀戊子伊尹卒二十九祀己酉王

崩弟太庚即位

太庚元祀庚戌二十五祀甲戌王崩子小甲即位

小甲元祀乙亥十七祀辛卯王崩弟雍已即位

雍已元祀壬辰商道衰十二祀癸卯王崩弟太戈即位是為中宗

太戊元祀甲辰桑穀共生于朝用伊陟臣扈格于上

帝巫咸又王家大脩成湯之政商道復興七十五

祀戊午王崩子仲丁即位

仲丁元祀己未六祀甲子徙都囂藍夷作寇十三祀

辛未王崩國亂弟外壬即位

外壬元祀壬申十五祀丙戌王崩國復亂弟河亶甲即位

河亶甲元祀丁亥徙居相商道復衰九祀乙未王崩

子祖乙即位

祖乙元祀丙申徙都耿九祀甲辰圮于耿徙都邢巫

賢為相商道復興十九祀甲寅王崩子祖辛即位

祖辛元祀乙卯十六祀庚午王崩弟沃甲即位

沃甲元祀辛未二十五祀乙未王崩國亂祖辛之子

祖丁即位

祖丁元祀丙申三十二祀丁卯王崩國亂沃甲之子

南庚即位

南庚元祀戊辰二十五祀壬辰王崩國亂祖丁之子

陽甲即位

陽甲元祀癸巳七祀己亥王崩弟盤庚即位

盤庚元祀庚子徙都殷更號曰殷作誥三篇二十八祀丁卯王崩弟小辛即位

小辛元祀戊辰殷道復衰二十一祀戊子王崩弟小乙即位

小乙元祀己丑二十六祀甲寅幽亶父徙居岐更號曰周二十八祀丙辰王崩子武丁即位是為高宗

武丁元祀丁巳王宅憂甘盤為相三祀己未得傳說為相資學于說殷道復興三十二祀戊子伐鬼方

五十九祀乙卯王崩子祖庚即位祖庚元祀丙辰三祀戊午祀高宗越有雉雉祖已作

高宗彤日及訓七祀壬戌王崩弟祖甲即位祖甲元祀癸亥殷道復衰二十八祀庚寅周亶父之

子季歷生子 亶父卒子季歷立堤為三十三祀

乙未王崩子廩辛即位

廩辛元祀丙申六祀辛丑王崩弟庚丁即位

庚丁元祀壬寅二十一祀壬戌王崩子武乙即位

武乙元祀癸亥二祀甲子徙都河北四祀丙寅以

震死子太丁即位

太丁元祀丁卯二祀戊辰命周公季歷伐燕京之戎

三祀己巳王崩子帝乙即位

帝乙元祀庚午命周公季歷伐余無始呼翳徒諸戊

賜圭瓚鉅鬯為侯伯七祀丙子周季歷卒子昌立

二十三祀壬辰周公昌生子發二十四祀癸巳命

周公昌拒昆夷獫狁二十七祀丙午王崩子受辛

即位是為紂

紂辛元祀丁未八祀甲寅伐有蘇獲妲己嬖之十一

祀丁巳囚周公昌于羗里昌演易十三祀己未釋

周公昌獻西洛之地請除炮烙刑遂賜昌弓矢

鐵鉞命為西伯使專征伐十四祀庚申虞芮質成

于周十五祀辛酉西伯昌伐犬戎十六祀壬戌西

伯昌伐密須徙居程十七祀癸亥西伯昌伐耆十

八祀甲子西伯昌伐邾十九祀乙丑西伯昌伐崇

徙居豐立靈臺二十祀丙寅周西伯昌卒子發立

二十一祀丁卯周西伯發元年二十七祀癸酉西

伯發生子誦三十一祀丁丑有女子化為丈夫三

十三祀己卯呂尚相西伯發伐紂登鹿臺自燔

死殷亡

右殷二十八年凡六百四十五祀始乙未終己卯

周武王姬姓名發帝嚳子后稷之裔西伯昌長子嗣

西伯十三年己卯伐紂立紂子武庚為殷後還豐

踐天子位以子月為歲首又六年乙酉王崩子誦

即位是為成王

成王元年丙戌周公旦相踐阼而治三年戊子周公

旦東征平三監殺武庚封微子啓于宋為殷後四

年己丑王東伐淮夷周公旦作立政五年庚寅營

成周六年辛卯制禮作樂七年壬辰王至新邑烝

于文武召公奭作誥十一年丙申周公在豐作無

逸是年周公卒于豐三十七年壬戌王崩子 即

位是為康王

康王元年癸亥二十六年戊子王崩子瑕即位是為

昭王

昭王元年己丑二十二年庚戌釋氏生五十一年己

邠王南巡崩于漢子滿即位是為穆王

穆王元年庚辰十三年壬辰王西征十七年丙申伐

徐戎三十五年甲寅伐犬戎五十年己巳作呂刑

以誥四方五十五年甲戌王崩于祗宮子翳扈即

位是為共王

共王元年乙亥三年戊寅密康公從王遊于涇上十

一年丙戌王崩子囂即位是為懿王

懿王元年丁亥徙都槐里二十五年辛亥王崩弟辟

方即位是為孝王

孝王元年壬子十三年甲子封非子為附庸邑之秦

十五年丙寅王崩子燮即位是為夷王

夷王元年丁卯始下堂見諸侯十六年壬午王崩子

胡即位是為厲王

厲王元年癸未三十三年乙卯殺言者三十七年己

未國人叛王出居彘明年庚申諸侯奉共伯和攝

政又十四年癸酉王死于彘周召二伯奉厲王太

子靖即位是為宣王

宣王元年甲戌命秦仲伐西戎尹吉甫北伐玁狁二

年乙亥命方叔征蠻荆召虎征淮夷三十年癸卯

有馬化為人三十二年乙巳有羊化為狐三十九

年壬子伐姜戎敗績四十年癸丑民于太原四
十三年丙辰殺杜伯四十六年己未王崩太子涅
即位是為幽王

幽王元年庚申二年辛酉三川震三年壬戌始嬖褒
姒九年戊辰廢申后及太子宜臼立褒姒為后伯
服為太子十一年庚午申侯以犬戎攻周殺王于
驪山秦晉率鄭衛逐犬戎奉故太子宜臼即位是
為平王

平王元年辛未徙東都洛邑始命秦列為諸侯四十
九年己未春秋託始五十一年辛酉王崩孫林即
位是為桓王

桓王元年壬戌十三年甲戌伐鄭失利矢中王肩二

十三年甲申王崩子佗即位是為莊王

莊王元年乙酉三年丁亥周公黑肩欲弒王立王子
克事覺伏誅克奔燕十五年己亥王崩太子胡齊

即位是為僖王

僖王元年庚子五年甲辰王崩子閔即位是為惠王
惠王元年乙巳二年丙午邊伯為國以燕衛師攻王
立王子頹王出居鄭四年戊申虢公鄭伯奉王復
歸王城殺頹十年甲寅錫齊侯命為伯二十五年
己巳王崩王子帶作亂齊率諸侯盟兆太子鄭即
位是為厲王

襄王元年庚午賜胙于齊侯三年壬申王子帶以戎
作亂晉侯平戎四年癸酉帶奔齊十四年癸未召

帶于齊十六年乙酉王廢狄后帶以狄作乱王出
居鄭十七年丙戌秦晉殺帶迎王入王城二十年
己丑王狩于河陽諸侯朝于王所三十三年壬寅
八月王崩子壬臣即位是為頃王
頃王元年癸卯六年戊申王崩晉趙盾平周乱王子
班即位是為匡王
匡王元年己酉六年甲寅十月王崩弟瑜即位是為
定王
定王元年乙卯三年丁巳老子生二十一年乙亥王
崩子夷即位是為簡王
簡王元年丙子十四年己丑九月王崩太子泄心即
位是為靈王

靈王元年庚寅二十一年庚戌孔子生二十七年丙
辰王崩太子晉先卒次子貴即位是為景王

景王元年丁巳十三年己巳孔子為魯委吏二十五
年辛巳王崩太子壽先卒國人立王子猛是為悼
王七月王子朝弑之自立晉人逐朝立王子丐是
為敬王

敬王元年壬午尹氏召氏入王子朝王居狄泉四年
乙酉晉趙鞅迎王入成周朝奔楚十五年丙申殺
朝于楚二十年辛丑孔子為魯司寇三十六年丁
巳孔子自衛反魯三十九年庚申魯西狩獲麟四
十一年壬戌孔子卒四十四年乙丑王崩太子仁
即位是為元王

元王元年丙寅七年壬申王崩太子介即位是為貞定王

貞定王元年癸酉二十八年庚子春王崩太子去疾即位是為哀王弟叔弒哀王自立是為思王秋八月王子嵬殺叔即位是為考王

考王元年辛丑十五年乙卯王崩太子午即位是為威烈王

威烈王元年丙辰二十三年戊寅初命韓魏趙為諸侯二十四年己卯王崩子驕即位是為安王

安王元年庚辰十六年乙未命齊田和為諸侯二十六年乙巳王崩子喜即位是為烈王

烈王元年丙午七年壬子王崩弟扁即位是為顯王

顯王元年癸丑九年辛酉致文武胙于秦二十六年

戊寅錫秦孝公為伯三十三年乙酉孟子至魏三十七年己丑約從解四十八年庚子王崩子定即位是為慎靚王

慎靚王元年辛丑六年丙午王崩子延立是為赧王赧王元年丁未始稱西周是年孟子去齊二十五年

辛未東周君如秦五十九年乙巳秦寇西周王入秦盡獻其地歸而卒秦遷西周公于 狐之聚

東周君元年丙午七年壬子東周君與諸侯謀伐秦東周僅有七邑為秦所滅秦遷東周君于陽人之聚周遂

右周三十七王凡八百四十七年始己卯終壬子

內共和攝政十五年始庚申終癸酉
自東周亡至秦始皇滅六國稱皇帝以前始癸丑
終乙卯凡二十七年天下無定主
夏商周三代共千有九百七十八年

通歷卷一終

通歷卷第二

春秋時十二列國

魯齊晉秦楚宋燕 戰國時七雄 秦齊

楚燕韓 世代興亡 依史記序

吳大伯姬姓周太王子與弟仲雍同奔荆蠻自號

句吳荆蠻義之立為吳太伯卒弟仲雍立仲雍

卒子季簡立季簡卒子叔達立叔達卒子周章

立周章卒子熊遂立熊遂卒子柯相立柯相卒

子彊鳩夷立彊鳩夷卒子餘橋疑吾立餘橋疑

吾卒子柯盧立柯盧卒子周繇立周繇卒子屈

羽立屈羽卒子夷吾立夷吾卒子禽處立禽處

卒子轉立轉卒子頗高立頗高卒子句卑立句

史臣李燾著

卑卒子去齊立周定王二十一年乙亥去齊卒
子壽夢立始稱王壽夢在位二十五年庚子卒
子諸樊立十三年癸丑諸樊伐楚射死弟餘祭
立四年丁巳餘祭為閹人所弑弟餘昧立十七
年甲戌餘昧卒弟季札逃國人立餘昧子僚九
年癸未滅巢十二年丙戌諸樊子光使專諸刺
僚而自立是為闔廬三年己丑滅徐十九年乙
己闔廬卒子夫差立二年丁未敗越于夫椒三
年戊申放越王歸國十一年丙辰殺伍員二十
三年戊辰夫差為越所滅吳亡凡二十五傳
齊太公呂尚周武王封之齊居營丘太公卒子丁
公伋立丁公卒子乙公得立乙公卒子癸公慈

母立癸公卒子哀公不辰立紀侯譜哀公于周
周烹哀公而立其弟胡公靜徙居薄始周厲王
十九年辛丑哀公同母少弟山弑胡公自立是
為獻公徙居臨淄獻公九年庚戌卒子武公壽
立二十六年丙子武公卒子厲公無忌立九年
乙酉胡公子攻殺厲公齊人誅之立厲公子赤
是為文公十二年丁酉文公卒子成公說立九
年丙午成公卒子莊公購立六十四年庚戌莊
公卒子僖公祿父立三十三年癸未僖公卒子
襄公諸兒立十二年乙未公孫無知弑襄公自
立明年丙申雍林人殺無知齊人立公子小白
是為桓公三十五年庚午會諸侯于葵丘四十

三年戊寅十二月桓公卒五公子爭立易牙立公子無詭為君世子昭奔宋明年三月宋襄公納昭于齊人殺無詭而立昭是為孝公十年戊子孝公卒弟潘父殺孝公世子而自立是為昭公二十年戊申昭公卒子舍立昭公弟商人弒舍自立是為懿公四年壬子邴歆閻職弒懿公齊人立其弟元是為惠公十年壬戌惠公卒子頃公無野立十七年己卯頃公卒子靈公環立二十八年丁未靈公卒子莊公光立六年癸丑崔杼弒莊公立公弟杼曰是為景公五十八年辛亥景公卒少子荼立明年壬子田乞弒荼立陽生是為悼公四年丙辰鮑子弒悼公齊人

立悼公壬是為簡公四年庚申田常弒簡公立公弟驁是為平公二十五年乙酉平公卒子宣公積立五十一年丙子宣公卒子康公貸立十三年己丑田和遷康公海濱而篡其國呂齊亡凡二十八傳

魯伯禽周公長子成王元年丙戌封伯禽于魯居曲阜伯禽卒子考公首立考公卒弟煬公熙立煬公卒子幽公宰立幽公弟潰弒幽公而自立是為魏公魏公卒子厲公擢立三十七年甲戌卒周夷王之七年也魯人立厲公弟具是為獻公三十二年丙午獻公卒子貞公湣立三十年丙子貞公卒弟武公敖立九年乙酉武公卒子

懿公戲立九年甲午懿公兄括之子伯御弒懿公自立十一年己巳周伐魯誅伯御立懿公弟稱是為孝公二十七年壬申孝公卒子惠公弗皇立四十六年戊午惠公卒公子息攝國是為隱公十二年己巳公子翬弒隱公而立公子允是為桓公十八年丁亥桓公卒子莊公同立三十三年己未莊公卒季友立公子班慶父弒班立公子開是為閔公二年辛酉慶父弒閔公而自立季友逐慶父立公子申是為僖公三十三年甲午僖公卒子文公興立十八年壬子文公卒襄仲殺世子惡及視而立庶子倭是為宣公十八年庚午宣公卒子成公黑肱立十八年戊

子成公卒子襄公午立三十一年己未襄公卒子野立三月而卒魯人立齊歸之子稠是為昭公三十二年辛卯昭公卒于乾侯魯人立昭公弟宋是為定公十五年丙午定公卒子哀公蔣立二十七年癸酉三桓作難哀公奔越歸卒于有山氏子悼公寧立三十七年庚戌悼公卒子元公嘉立二十一年辛未元公卒子穆公顯立三十三年甲辰穆公卒子共公奮立二十二年丙寅共公卒子康公屯立九年乙亥康公卒子景公亶立二十九年甲辰景公卒子平公叔立是時六國皆稱王二十二年丙寅平公卒子文公賈立二十二年戊子文公卒子傾公讎立二

十四年壬子為楚考烈王所滅魯亡頃公卒于
柯凡三十五傳

燕召公奭姬姓周武王封於北燕自召公以下九
世至惠侯元年丁酉周厲王十四年也三十八
年甲戌惠侯卒子僖侯莊立三十六年庚戌僖
侯卒子頃侯立二十四年甲戌頃侯卒子哀侯
立二年丙子哀侯卒子鄭侯立三十六年壬子
鄭侯卒子穆侯立十八年庚午穆侯卒子宣侯
立十三年癸未宣侯卒子桓侯立七年庚寅桓
侯卒子莊公立三十年癸亥莊公卒子襄公立
四十年癸卯襄公卒子桓公立十六年己未桓
公卒子宣公立十五年甲戌宣公卒子昭公立

十三年丁亥昭公卒子武公立十九年丙午武
公卒子文公立六年壬子文公卒子懿公立四
年丙辰懿公卒子惠公疑立六年壬戌惠公出
奔齊九年乙丑入燕而卒燕人立悼公七年壬
申悼公卒共公立五年丁丑共公卒平公立十
九年丙申平公卒簡公立十二年戊申簡公卒
獻公立二十八年丙子獻公卒子孝公立十五
年辛卯孝公卒成公載立十六年丁未成公卒
閔公立三十一年戊寅閔公卒子僖公立三十
年戊申僖公卒子桓公立十一年己未桓公卒
子文公立二十九年戊子文公卒子易王立十
二年庚子易王卒子噲立五年乙巳燕君噲讓

國子之又四年巳酉太子平攻子之燕人立平
是為昭王三十三年壬午昭王卒子惠王立七
年巳丑惠王卒子武成王立十四年癸卯武成
王卒子孝王立三年丙午孝王卒子喜立三十
三年巳卯秦伐燕虜喜燕亡凡四十三傳

蔡叔度周文王第五子武王封于蔡武王崩成王
三年戊子蔡叔與管叔鮮挾紂子武庚作亂周
公誅武庚殺管叔放蔡叔蔡叔死其子胡率德
改行成王八年癸巳復封胡于蔡是為蔡仲蔡
仲卒子蔡伯荒立蔡伯荒卒子宮侯立宮侯卒
子厲侯立周厲王十五年丁酉厲侯卒子武侯
立二十六年癸亥武侯卒子夷侯立二十八年

辛卯夷侯卒子僖侯所事立二十八年巳卯僖
侯卒子共侯興立二年辛巳共侯卒子戴侯立
十年辛卯戴侯卒子宣侯措父立三十五年丙
寅宣侯卒子桓侯封人立二十年丙戌桓侯卒
弟哀侯獻舞立二十年丙午哀侯為楚文所王
虜而死蔡人立其子肱是為穆侯二十九年乙
亥穆侯卒子莊侯甲午立三十四年巳酉莊侯
卒子文侯申立二十年巳巳文侯卒子景侯同
立四十九年戊午太子般弒景侯自立是為靈
侯十三年庚午楚靈王以靈侯弒父誘於申殺
之滅蔡三年癸酉楚平王復立蔡景侯少子廬
是為平侯六年巳卯平侯卒子朱立明年庚辰

平侯弟東國逐朱自立是為悼侯二年壬午悼侯卒弟昭侯申立二十八年庚戌盜殺昭侯國人立其子朔是為成侯十九年己巳成侯卒子聲侯產立十五年甲申聲侯卒子元侯立六年庚寅元侯卒子齊立四年甲午楚惠王伐蔡侯齊而滅之蔡亡凡二十四傳

曹

振鐸周武王弟封于曹振鐸卒子太伯脾立太伯卒子仲君平立仲君卒子宮伯侯立宮伯卒子孝伯雲立周厲王十四年丙申孝伯卒子夷伯喜立夷伯三十年丙寅卒弟幽伯彊立九年乙亥幽伯弟蘇弒幽伯自立是為戴伯三十年乙巳戴伯卒子惠伯兕立三十六年辛巳惠

伯卒子石甫立其弟武弒石甫自立是為穆公三年甲申穆公卒子桓公終生立五十五年己卯桓公卒子莊公夕姑立三十一年庚戌莊公卒子羈不能自立奔陳國人立赤使記是為僖公九年己未僖公卒子昭公班立九年戊辰昭公卒子共公襄立三十五年癸卯共公卒子文公壽立二十三年丙寅文公卒子宣公廬立十七年癸未宣公卒弟成公負芻立二十三年丙午成公卒子武公勝立二十七年癸酉武公卒子平公頃立四年丁丑平公卒子悼公午立九年丙戌悼公為宋所囚而死曹人立其弟野是為聲公五年辛卯平公弟通弒聲公自立是為

隱公五年丙申聲公弟露弒隱公自立是為靖
公三年己亥靖公卒子伯陽立十五年甲寅伯
陽為宋所滅曹氏凡二十五傳

陳胡公滿媯姓虞舜之後周武王封媯滿於陳是
為胡公胡公卒子申公犀侯立申公卒弟相公
臯羊立相公卒申公子突立是為孝公孝公卒
子慎公圍戎立周厲王二十四年丙午慎公卒
子幽公寧立二十三年己巳幽公卒子僖公孝
立三十六年乙巳僖公卒子武公靈立十五年
庚申武公卒子夷公說立三年癸亥夷公卒子
平公變立二十三年丙戌平公卒子文公圍立
十年丙申文公卒子桓公鮑立三十八年甲戌

桓公卒其弟佗母蔡女也蔡人殺世子免而立
佗明年乙亥蔡人殺陳佗而立免之子躍是為
厲公七年辛巳厲公卒弟林立是為莊公七年
戊子莊公卒弟杵臼立是為宣公四十五年癸
酉宣公卒子穆公疑立十六年己丑穆公卒子
共公朔立十八年丁未共公卒子靈公平國立
十五年壬戌夏徵舒弒靈公明年癸亥楚莊王
弒徵舒立靈公子午是為成公二十九年壬辰
成公卒子哀公溺立三十五年丁卯哀公疾公
弟招殺世子偃師而立公子留哀公縊卒留奔
鄭楚以偃師之子吳伐陳遂滅陳又六年癸酉
楚立偃師之子吳為陳君是為惠公二十二年

乙未惠公卒子懷公柳立四年己亥懷公卒子
吳國人立懷公子越是為閔公二十四年癸亥
楚伐陳殺閔公陳亡凡二十五傳

杞東樓公妣姓夏后之裔周武王封于杞奉禹祀

東樓公生西樓公西樓公生題公題公生謀娶

公周莊王十一年乙未謀娶公卒子武公立武

公四十七年壬午卒子靖公立二十三年乙巳

靖公卒子共公立八年癸丑共公卒子德公立

十八年辛未德公卒弟桓公姑容立十七年戊

子桓公卒子孝公勻立十七年乙巳孝公卒弟

文公益姑立十四年己未文公卒弟平公鬱立

十八年丁丑平公卒子悼公成立十二年己丑

悼公卒子隱公乞立在位七月隱公弟遂弑隱

公自立是為僖公十九年戊申僖公卒子閔公

維立十六年甲子閔公弟闕路弑閔公自立是

為哀公十年甲戌哀公卒閔公子敫立是為出

公十二年丙戌出公卒子簡公春立十年丙申

簡公為楚惠王所滅祀亡凡十九傳

衛康叔名封周武王同母少弟食采於康謂之康

叔封於衛康叔卒子康伯立康伯卒子考伯立

考伯卒子嗣伯立嗣伯卒子麋伯立麋伯卒子

靖伯立靖伯卒子貞伯立周厲王十二年甲午

貞伯卒子頃侯立頃侯十二年丙午卒子僖侯

立四十二年戊子僖侯卒太子共伯餘立少弟

和弒共伯自立是為武公五十五年癸未武公卒子莊公揚立二十三年丙午莊公卒子桓公完立十六年壬戌州吁弒桓公自立石錯殺州吁迎桓公弟晉于邢而立之是為宣公十九年辛巳宣公卒子惠公朔立三十一年壬子惠公卒子懿公赤立九年辛酉狄人殺懿公衛人立黔牟之弟昭伯頑之子申是為戴公明年壬戌戴公卒齊桓公立戴公弟燬是為文公二十四年丙戌滅邢是年文公卒子成公鄭立三十五年辛酉成公卒子穆公遯立十一年壬申穆公卒子定公減立十二年甲申定公卒子獻公衍立十八年壬寅孫林父甯殖攻獻公：奔齊衛

人立定公弟剽是為殤公十二年甲寅甯喜弒殤公晉人執喜獻公自齊入復為君三年丁巳獻公卒子襄公惡立九年丙寅襄公卒子靈公元立四十三年戊申靈公卒衛人立蒯聵之子輒是為出公十四年壬戌孔悝作亂輒出奔魯悝立蒯聵是為莊公明年癸亥晉趙鞅伐衛莊公出奔齊衛人立公子班師為君齊虜班師更立公子起為君明年甲子衛石圃逐起出奔出公輒自齊入復立七年辛未出公子黔攻出公奔宋明年壬申衛人立黔是為悼公十八年庚寅悼公卒子敬公弗立十九年己酉敬公卒子昭公糾立六年乙卯公子亶弒昭公自立是為

懷公十一年丙寅公子頽弒懷公自立是為慎
公四十二年戊申慎公卒子聲公訓立十一年
己未聲公卒子成侯遨立十六年乙亥貶號曰
侯二十九年戊子成侯卒子平侯立八年丙申
平侯卒子嗣君立四十二年戊寅嗣君卒子懷
君立三十一年己酉魏人囚殺懷君更立嗣君
弟是為元君二十二年辛未元君卒子角立九
年庚辰秦廢衛君角衛亡凡二十七傳
宋微子啓殷帝乙長子紂廢兄周成王三年戊子
誅武庚乃封啓于宋奉殷祀微子卒弟微仲衍
立微仲卒子宋公稽立宋公卒子丁公申立丁
公卒子閔公共立閔公卒弟煬公熙立閔公子

鮒殺煬公自立是為厲公周厲王二十年壬寅
厲公卒子僖公舉立僖公二十八年庚午卒子
惠公颺立三十年庚子惠公卒子哀公立明年
辛丑哀公卒子戴公立三十四年乙亥戴公卒
子武公司空立十八年癸巳武公卒子宣公力
立十九年壬子宣公病讓其弟穆公和立九年
辛酉穆公命立宣公子與夷是為殤公十年辛
未華督弒殤公立穆公子馮是為莊公十八年
己丑莊公卒子閔公捷立十年乙亥南宮萬以
博局弒閔公立公子游為君群公子殺游立閔
公弟禦說是為桓公宋人殺萬三十一年庚午
桓公卒子襄公茲甫立十四年甲申襄公卒子

成公王臣立十七年辛丑成公卒弟禦殺太子而自立宋人殺禦立成公少子杵臼是為昭公九年庚戌襄公夫人王姬使衛伯殺昭公立昭公弟鮑是為文公二十二年壬申文公卒子共公瑕立十三年乙酉共公卒司馬唐山弒太子肌右師華元誅唐山立共公少子成是為平公四十四年己巳平公卒子元公佐立十五年甲申元公卒于曲棘子景公頭曼立六十六年庚寅景公卒公子特殺太子而自立是為昭公四十七年丁丑昭公卒子悼公購由立七年甲申悼公卒子休公田立二十二年丙午休公卒子桓公辟兵立三年己酉桓公卒子剔成立四十

三年壬辰剔成弟偃攻剔成奔齊偃自立是為元公元公無道稱為桀宋四十二年乙亥齊魏楚伐宋殺偃而三分其地宋亡凡三十二傳

晉唐叔虞周成王母弟成王九年甲午封虞于唐唐叔卒子燮立改號晉是為晉侯晉侯卒子武侯寧族立武侯卒子成侯服人立成侯卒子厲侯福立周厲王二十年壬寅厲侯卒子靖侯宜臼立靖侯十八年庚申卒子僖侯司徒立十八年戊寅僖侯卒子獻侯籍立十一年己丑獻侯卒子穆侯費生立二十七年丙辰穆侯卒弟殤侯自立太子伋出奔四年庚申太子伋襲攻殤侯而立是為文侯三十五年乙未文侯卒子昭

侯伯立封文侯弟成師于曲沃號桓叔七年壬寅潘父弑昭侯迎桓叔晉人發兵攻桓叔立昭侯子孝侯平誅潘父十五年丁巳桓叔卒子解伐是為曲沃莊伯莊伯弑孝侯晉人復立孝侯子鄂侯却六年癸亥鄂侯卒子哀侯光立三年乙丑曲沃莊伯卒子稱代是為曲沃武公九年壬申武公伐晉虜哀侯晉人立哀侯小子是為小子侯四年丙子武公弑哀侯及小子周桓王立哀侯弟緡為晉侯二十五年壬寅武公伐晉侯滅之以寶器獻周僖王列為諸侯盡有晉地號晉武公二年甲辰武公卒子獻公詭諸立五年巳酉得驪姬十九年癸亥滅虢二十二年丙

寅滅虞太子申生以譖死二十六年庚午獻公卒子奚齊立里克弑奚齊荀息立奚齊之弟卓子明年辛未里克弑卓子及荀息而納公子夷吾是為惠公惠公立誅里克十四年甲申惠公卒子懷公圉立明年乙酉秦穆公使晉人弑懷公入公子重耳是為文公五年巳丑會諸侯于踐上九年癸巳文公卒子襄公驩立七年庚子襄公卒子靈公夷臯立十四年甲寅趙盾弑靈公立襄公弟黑臀是為成公七年辛酉成公卒子景公攄立十九年庚辰景公卒子厲公壽曼立八年戊子欒書囚厲公立公子周是為悼公十五年癸卯悼公卒子平公彪立二十六年巳

已平公卒子昭公夷立六年乙亥昭公卒子頃
公去疾立十四年己丑頃公卒子定公午立三
十七年丙寅定公卒子出公錯立十八年甲申
為四卿所攻奔齊道死智伯立昭公曾孫驕是
為哀公十八年壬寅哀公卒子幽公柳立十九
年辛酉盜弑哀公魏文侯立幽公子止是為烈
公二十七年戊子烈公卒子孝公頌立十五年
癸卯孝公卒子靜公俱酒立二年己巳魏韓趙
滅晉而三分其地晉亡凡三十八傳

楚鬻熊芊姓陸終第六子季連之後鬻熊為周文
武師成王封其曾孫熊繹于荆蠻居丹陽繹生
父、生黜、生勝、以弟楊為後楊生渠周夷

王之時渠卒中子摯紅立其弟延弑之自立周
厲王三十一年癸丑延卒子勇立十年癸亥勇
卒弟嚴立十年癸酉嚴卒子霜立六年己卯霜
卒少弟狗立二十二年辛丑狗卒子罟立九年
庚戌罟卒子儀立是為若敖二十七年丁丑若
敖卒子坎立是為霄敖六年癸未霄敖卒子
立是為蚡冒十七年庚子蚡冒卒弟通殺蚡冒
世子而自立是為楚武王三十七年丁丑僭稱
王丑十一年辛卯徙居郢是年王伐隨卒于師
子文王賁立十二年癸卯滅鄧明年甲辰文王
卒子囂立是為杜敖五年己酉杜敖弟暉弑杜
敖自立是為成王十七年丙寅滅弦二十四年

癸酉滅黃二十六年乙亥滅英三十八年丁亥
滅 四十六年乙未世子商臣弒成王自立是
為穆王三年戊戌滅江四年己亥滅六滅蓼十
二年丁未穆王卒子莊王旅立二年庚戌滅庸
八年乙卯觀兵周郊問鼎輕重十三年庚申滅
舒十七年甲子滅蕭二十三年庚午莊王卒子
共王審立三十一年辛丑共王卒子康王昭立
十五年丙辰康王卒子麋立是為邾敖四年庚
申公子圍弒邾敖自立是為靈王公子比奔晉
靈王七年丁卯滅陳十年庚午滅蔡十二年壬
申公子比自晉歸弒靈王于乾谿公子棄疾殺
比自立是為平王三十年乙亥復立陳十三年

乙酉平王卒子昭王珍立十二年丁酉徙居郡
二十七年壬子昭王卒于師國人立其子章是
為惠王十一年癸亥復滅陳四十二年甲午滅
蔡四十四年丙申滅杞五十七年己酉惠王卒
子簡王申立二十四年癸酉簡王卒子聲王當
立六年己卯盜弒聲王子悼王疑立二十二年
庚子悼王卒國亂是年殺吳起悼王世子臧立
是為肅王十一年辛亥肅王卒無子弟宣王良
夫立三十年辛巳宣王卒子威王商立十一年
壬辰威王卒子懷王槐立三十年壬戌放屈原
懷王為秦所執國人立世子橫是為頃襄王三
年乙丑懷王卒于秦三十六年戊戌頃襄王卒

子完自秦逃歸立是為考烈王十四年壬子滅魯二十五年癸亥考烈王卒子幽王悍立十年癸酉幽王卒弟猶立是為哀王在位三月庶兄負芻弑之自立五年戊寅秦滅楚置郡楚亡凡四十一傳

越勾踐其先夏少康庶子封于會稽後二十餘年至于允常周敬王二十三年允常卒子勾踐立是為越王二十四年戊辰滅吳三十二年丙子勾踐卒子鹿郢立是為鼫與六年壬午鼫與卒子不壽立是為盲姑十年壬辰盲姑卒子翁立是為朱勾三十七年己巳朱勾卒子翳立以後無翳卒子之侯立之侯卒子無彊立為楚威王

所滅越亡自允常以後凡八傳

鄭桓公友周厲王少子宣王庶弟宣王二十二年乙未封于鄭三十六年庚午死于幽王犬戎之難鄭人立其子掘突是為武公二十七年丁酉武公卒子莊公寤生立四十三年庚辰莊公卒子昭公忽立九月宋執鄭祭仲協立公子突是為厲公祭仲專政昭公奔衛四年甲申厲公欲殺祭仲不克出奔蔡祭仲迎昭公復即位厲公出居櫟二年丙戌高渠彌弑昭公更立昭公弟子亶為君明年丁亥齊侯殺子亶渠彌立子亶弟子儀是為鄭子十四年辛丑厲公自櫟侵鄭獲傅瑕劫以求入瑕遂弑鄭子迎厲公復即位

厲公入殺傅瑕七年戊申厲公卒子文公捷立
四十五年癸巳文公卒子穆公蘭立二十二年
乙卯穆公卒子靈公夷立明年丙辰公子家弑
靈公鄭人立公弟堅是為襄公十八年甲戌襄
公卒子悼公潰立二年丙子悼公卒弟成公踰
立十四年庚寅成公卒子僖公暉立五年乙未
僖公會于郟公子駢弑之而立僖公子嘉是為
簡公三年戊戌盜殺子駢三十六年辛未簡公
卒子定公寧立十六年丁亥定公卒子獻公蠆
立十三年庚子獻公卒子聲公勝立三十八年
戊寅聲公卒子哀公易立八年丙戌鄭人弑哀
公立聲公弟丑是為共公三十年丙辰共公卒

子幽公已立二年戊午晉韓武子伐鄭殺幽公
鄭人立幽公弟駘是為繻公二十七年乙酉子
陽弑繻公立幽公弟乙是為鄭君二十一年丙
午韓哀侯伐鄭殺鄭君乙鄭亡凡二十二傳
趙與秦共祖造父事周穆王伐徐偃王賜以趙城
因氏造父六世曰奄父事周宣王奄父生叔帶
周幽王時叔帶去周如晉事晉文侯五世而生
趙夙晉獻公十六年庚申滅耿即封夙于耿夙
生共孟共孟生成季衰成季生宣孟盾晉襄公
七年庚子卒盾立晉靈公事之十四年甲寅盾
弑靈公立靈公弟成公六年庚申盾死子朔繼
四年甲子屠岸賈殺朔于下宮滅其族朔妻匿

于宮中生子武晉景公十九年庚辰立朔子武
為趙侯是為父子晉平公十一年甲寅文子專
政文子生景叔成景叔生簡子鞅晉定公三十
七年丙寅簡子卒子無卹繼是為襄子明年丁
卯襄子滅代以代封兄子周二十一年丙戌智
伯約韓魏攻襄子圍晉陽又二年戊子韓魏反
約襄子滅智伯三分其地又二十八年丙辰襄
子卒兄子代成君子浣繼是為獻子襄子弟嘉
逐浣自立是為桓子明年丁巳桓子卒國人復
迎立獻子十五年壬申獻子卒子籍繼是為烈
侯六年戊寅籍始為諸侯九年辛巳烈侯卒子
武侯擊立十三年甲午武侯卒子敬侯章立十

二年丙午敬侯卒子成侯種立二十五年辛未
成侯卒子肅侯語立二十四年乙未肅侯卒子
武靈王雍立二十七年壬戌武靈王廢太子章
傳位少子何是為惠文王武靈王自稱主父十
六年戊寅相如完璧以歸三十三年乙未惠文
王卒子孝成王丹立十五年庚戌平原君卒二
十二年丙辰孝成王卒子悼襄王偃立九年乙
丑悼襄王卒庶子幽繆王遷立八年癸酉為秦
所滅趙亡趙公子嘉自立為代王六年己卯又
為秦所滅自烈侯至幽繆王凡十傳

魏姬姓畢公高之後周武王封高于畢裔孫畢萬
事晉獻公獻公十六年庚申滅魏即封萬于魏

萬封十一年庚午晉獻公卒晉亂而畢萬之世
彌大萬生武子犇武子從晉重耳出亡十九年
乙酉重耳立為文公令武子襲魏後武子生悼
子悼子生昭子絳昭子生獻子嬴獻子生簡子
取簡子生襄子侈之孫曰桓子晉幽公十四
年丙辰桓子卒繼是為文侯文侯二十一
年戊寅始為諸侯三十七年甲午文侯卒子武
侯擊立十六年庚戌武侯卒國亂子惠王立
三十五年乙酉孟子至魏五十二年壬寅惠王
卒子襄王赫立二十三年乙丑襄王卒子昭王
遯立十九年甲申昭王卒子安釐王圉立三十
四年戊午安釐王卒子景閔王增立十五年癸

酉景閔王卒子假立三年丙子秦伐魏虜假魏
亡自文侯斯以後凡九傳

韓與周同姓其後裔事晉封於韓原曰武子武子
後三世有韓獻子厥以封為姓獻子生宣子起
宣子生貞子頃貞子生簡子不信簡子生莊子
莊子生康子虎晉幽公十四年丙辰康子卒子
啓章繼是為武子十六年壬申武子卒子虔繼
是為景侯六年戊寅始為諸侯九年辛巳景侯
卒子烈侯取立十三年甲午烈侯卒子文侯立
十年甲辰文侯卒子哀侯立二年丙午滅鄭六
年庚戌韓嚴遂弒哀侯立其子若山是為懿侯
十二年壬戌懿侯卒子昭侯立二十六年戊子

昭侯卒子宣惠王立十年戊戌始稱王二十一年巳酉宣惠王卒子襄王倉立十六年乙丑襄王卒子釐王咎立二十三年戊子釐王卒子桓惠王立三十四年壬戌桓惠王卒子安立九年辛未韓王安為秦所虜韓亡自景侯以後凡十一傳

田齊陳完之後陳完者厲公躍之子也厲公卒完不得立奔齊為工正食采于田是為敬仲敬仲生穉孟夷以田為姓孟夷生湣孟莊孟莊生文子湏無文子生桓子無宇桓子生武子開及釐子乞釐子事齊悼公專政悼公四年丙辰釐子卒子成子常繼四年庚申成子弒齊簡公立平

公成子卒子盤繼是為襄子齊昭公三年戊子襄子卒子莊子白繼四十三年辛未莊子卒子和繼十九年庚寅齊康公之十四年也和遷其君康公於海上而篡立是為後齊太公又五年乙未周命田和為諸侯明年丙申齊侯和卒子桓公午立六年壬寅桓公卒子威王因齊立九年辛亥烹阿封即墨四十六年戊子威王卒子宣王辟疆立十九年丁未宣王卒子湣王地立二十八年乙亥滅宋三十年丁丑燕樂毅下齊湣王出走莒楚使淖齒殺之齊人殺淖齒立王子法章是為襄王十九年丙申襄王卒子建立四十四年庚辰秦伐齊虜建田齊止自田和至

建凡七傳

秦嬴姓伯翳之後翳十九世孫非子周孝王十三年甲子封于秦邑號秦嬴周厲王二十一年癸卯秦嬴卒子秦侯立十年癸丑秦侯卒子公伯立三年丙辰公伯卒子仲立二十三年己卯仲伐西戎死子莊公立十四年癸亥莊公卒子襄公立十二年乙亥襄公卒子文公立六年己卯徙居汧渭五十年己丑文公卒孫寧公立徙居平陽十二年丁丑寧公卒三父廢寧公長子而立少子是為出子六年癸未三父復弒出子立寧公長子是為武公十二年乙未滅小虢二十年癸卯武公卒弟德公立二年乙巳德公卒

長子宣公立十二年丁巳宣公卒弟成公立四年辛酉成公卒弟穆公任好立三十九年庚子穆公卒子康公瑩立十二年壬子康公卒子共公稻立四年丙辰共公卒子桓公榮立二十八年甲申桓公卒子景公立四十年甲子景公卒子哀公立三十六年庚子哀公卒太子夷公早死立夷公子是為惠公九年己酉惠公卒子悼公立十五年甲子悼公卒子厲共公立二十四年戊戌厲共公卒子躁公立十四年壬子躁公卒太子昭早死立其弟懷公四年丙辰庶長鼂弒懷公立躁公孫是為靈公十年丙寅靈公卒國人廢其子而立靈公季父悼子是為簡公十

五年卒已簡公卒子惠公立十三年甲午惠公卒子出子立二年丙申庶長改迎靈公子師隰于河西而立之是為獻公遂弒出子二十三年己未獻公卒子孝公梁立八年丁卯取魏少梁十二年辛未徙居咸陽二十四年癸未孝公卒子惠文王駟立十三年丙申始稱王以明年丁酉稱元年又九年乙巳滅蜀又五年庚戌惠文王卒子武王蕩平四年甲寅武王以舉鼎卒弟稷立是為昭襄王太后稱制五十年甲辰殺白起五十五年己酉昭襄王卒子孝文王柱立三日而卒乃立子楚是為莊襄王二年壬子滅東周四年甲寅莊襄王卒子政立是為始皇帝自

秦仲至始皇帝凡三十三傳

秦始皇帝母呂不韋姬東周亡後二年甲寅嗣秦王元年乙卯三年丁巳伐趙取十二城九年癸亥嫪毐作亂伏誅遷太后于雍十二年丙寅呂不韋自殺十七年辛未滅韓十九年癸酉滅趙二十二年丙子滅魏二十四年戊寅滅楚二十五年己卯滅燕二十六年庚辰滅田齊始并天下稱始皇帝以建亥月為歲首分天下為三十六郡三十四年戊子焚書三十七年辛卯卒于沙丘趙高李斯矯詔殺太子扶蘇立少子胡亥是為二世皇帝元年壬辰殺公子十二人三年甲午趙高弒胡亥立胡亥子嬰九月子嬰夷

趙高三族十月為乙未年漢高祖入秦嬰降秦
亡秦稱帝二世凡十五年始庚申終甲午
秦亡後乙未至戊戌凡四年劉沛公為漢王項
羽為楚王天下無定主

秦季起兵稱王者凡十四人。二世元年壬辰
陳勝吳廣馮斬勝自立為楚王廣為假王。
楚將武臣自立為趙王。齊田儋自立為齊
王。趙將韓廣自立為燕王。楚將周市立
魏公子咎為魏王。二世二年癸巳李良殺
武臣張耳陳餘立歇為趙王。楚莊賈殺陳
勝秦嘉立景駒為楚王。南海尉趙佗自立
為南越王。項梁殺景駒立楚懷王孫心為

楚懷王後尊為義帝。張良說項梁立韓公
子成為韓王。秦兵殺田儋齊人立田假為
齊王。田儋弟榮逐假立儋子市為齊王。
楚立魏豹為魏王

通曆卷第三

史臣李燾著

漢高祖皇帝姓劉名邦豐沛邑人唐堯之後秦二世
三年甲午入關滅秦明年乙未楚立沛公為漢王
五年己亥滅項籍即帝位都長安六年庚子冬十
月朔行朝歲首禮後世朝賀正旦始此十一年己巳以太牢
祀孔子于曲阜十二年丙午夏四月帝崩五月太
子盈即位是為孝惠皇帝太后呂氏殺庶子趙王
如意斷戚夫人手足為人彘
孝惠皇帝元年丁未四年庚戌除挾書令七年癸丑
秋八月帝崩呂后養他人子為帝子至是即位稱
為少帝呂后稱制以甲寅為元年四年丁巳呂后

廢所立假子而幽殺之更立假子弘不改元封女弟頴為臨光侯八年辛酉秋七月呂后死九月周勃陳平誅諸呂迎高祖仲子代王恒後九月即位是為太宗孝文皇帝誅假子弘

孝文皇帝元年壬戌六年丁卯賈誼為梁太傅十三

年甲戌除肉刑十六年丁丑以新垣平言改十七

年戊寅為後元年平尋伏誅二十三年甲申在位

年數後夏六月帝崩太子啓即位是為孝景皇帝

始短喪

孝景皇帝元年乙酉匈奴和親五年己丑公主嫁單

于八年壬辰改稱中元十四年戊戌改稱後元十

六年庚子春正月帝崩太子徹即位是為世宗孝

武皇帝是年董仲舒為江都王相

孝武皇帝元年卒丑改稱建元七年丁未改元光

遣方士求神仙立太一祠十一年辛亥始通西南

夷以司馬相如諭蜀十三年癸丑改元朔十九

年己未以得一角獸改元狩張騫通西域二十

一年辛酉得渥洼神馬二十二年壬戌誅方士文

成將軍少翁二十五年乙丑改元鼎三十一年

辛未改元封帝東巡海上封泰山三十六年丙

子遣方士入海求神仙三十七年丁丑改元太初

三十八年戊寅行夏正四十一年辛巳改元天漢

蘇武使匈奴四十四年甲申立子髡為昌邑王四

十五年乙酉改元太始四十九年己丑改元征和

五十年庚寅皇太子據殺治盡使者江充詔丞相
討之太子自殺五十二年壬辰帝如東萊浮海求
神仙五十三年癸巳改元後元明年甲午春二月
帝崩太子弗陵即位是為孝昭皇帝霍光受顧今
輔政

孝昭皇帝元年乙未改稱始元五年己亥成方詐稱

衛太子伏誅六年庚子蘇武還自匈奴七年辛丑

改元：鳳十三年丁未改元元平夏四月帝崩霍光迎昌邑

哀王驁之子賀入六月即位淫戲無度霍光奏太

后廢賀殺昌邑從官二百餘人秋七月霍光以丙

吉言迎戾太子之孫史皇孫之子病已即位是為

中宗孝宣皇帝

孝宣皇帝元年戊申改稱本始三年庚戌霍光妻顯

使女醫淳于衍毒弑皇后許氏四年辛亥立霍光

女為后五年壬子改元地節六年癸丑霍光卒九

年丙辰改元元康十年丁巳帝更名詢十一年戊

午封昌邑王賀為海昏侯是年疏廣疏受謝歸十

三年庚申改元神爵遣王褒求金馬碧雞之神十

七年甲子改元五鳳二十一年戊辰改元甘露

簾銅人生毛二十三年庚午圖功臣於麒麟閣二

十五年壬申改元黃龍冬十二月帝崩太子奭即

位是為高宗孝元皇帝

孝元皇帝元年癸酉改稱初元六年戊寅改元水光

七年己卯天雨草雞生角十一年癸未改元建昭

十六年戊子改元竟寧夏五月帝崩六月太子驁即位是為孝成皇帝

孝成皇帝元年己丑改稱建始五年癸巳改元河平八年丙申山陽火生石中詔以九年丁酉改元陽朔十三年辛丑改元鴻嘉十七年乙巳改元永始封太后弟子王莽為新都侯十九年丁未梅福上書二十一年己酉改元：延朱雲折檻二十三年辛亥岷山崩二十五年癸丑改元綏和明年甲寅春二月大厩馬生角三月帝崩夏四月太子欣即位是為孝哀皇帝王太后稱制

孝哀皇帝元年乙卯改稱建平二年丙辰遣王莽就國帝以夏賀良言改元太初更號陳聖劉太平皇

帝秋八月詔罷改元更號事賀良伏誅三年丁巳無鹽危山上起瓠山石立五年己未改元：壽六年庚申夏六月帝崩王莽迎元帝庶孫中山王箕子為嗣秋九月即位是為孝平皇帝年九歲王太后稱制

孝平皇帝元年辛酉改稱元始王莽自為太傅號安漢公二年壬戌帝更名衍三年癸亥莽殺何武等不附己者數百人逢崩挂冠客遼東四年甲子莽自號宰衡位諸侯王上五年乙丑莽諷吏民上書頌德莽自加九錫冬十二月莽置毒椒酒中弑帝迎宣帝玄孫嬰為皇太子號曰孺子年二歲孺子嬰元年丙寅改稱居攝王莽稱假皇帝二年丁

邠翟義起兵討莽不克而死三年戊辰改元初始
秋九月莽母死不成服冬十二月莽篡位更號曰
新西漢亡

右西漢十一帝凡二百一十四年始乙未終戊辰
內呂后立假子八年始甲寅終辛酉
西漢之世叛亂者十五人○文帝時濟北王興
居奔兵反欲襲滎陽詔討之興居自殺○淮南
王長謀反徙蜀道死○景帝時吳王濞膠西王
卬膠東王雄渠菑川王賢濟南王辟光楚王戊
趙王遂七國相約舉兵反周亞夫討平之○武
帝時淮南王安衡山王賜謀反尋自殺○江充
以巫蠱事逼太子據殺充舉兵反據尋自殺

○馬何羅即莽謀反金日磾等誅之○宣帝時
霍何羅等謀反伏誅夷其族○昭帝時上官桀以
燕王旦謀反伏誅

新王莽漢孝元皇后弟之子成帝永始元年乙
巳封為新都侯國于南陽新野之都鄉綏和
元年癸丑莽為大司馬平帝元始元年辛酉
莽專政封安漢公三年癸亥以其女為后四
年甲子莽自為宰衡位諸侯王上五年乙丑
莽弑帝立孺子嬰莽自稱假皇帝又三年戊
辰冬十二月篡位更號曰新以十二月為歲
首元年己巳改稱始建國徐鄉侯劉快起兵
討莽不克而死又五年甲戌改元天鳳又四

年戊寅楊雄死又二年庚辰改元地皇鉅鹿
男子馬適求等討莽不克而死明年辛巳莽
子臨謀殺莽事覺自殺是年莽毀漢高祖廟
又二年癸未漢兵入長安杜吳殺莽公賓就
斬莽首傳示宛洛莽篡位十五年始已巳終
癸未

漢淮陽王劉玄光武族兄也新莽地皇二年辛巳
平林陳牧等起兵玄往從牧為軍集掾又二年
癸未春正月玄擊莽守將甄阜梁丘賜等誅之
號更始將軍二月眾奉玄稱帝即改元更始以
劉縯為大司徒劉秀為偏將軍夏五月縯拔宛
六月玄徙居宛封宗室及諸將為列侯玄忌縯

威名遂殺縯遣人攻武關秋九月誅莽冬十月
玄徙居洛陽二年甲申春二月玄徙居長安封
大司馬劉秀為蕭王平陵人方望見玄政亂必
敗乃求前孺子嬰立為帝據臨涇玄遣李松擊
殺之秋九月赤眉樊崇等攻長安玄遣松拒戰
松敗績玄奔高陵劉秀廢玄為淮陽王冬十月
玄降于赤眉封畏威侯改封長沙王尋縊殺之
玄稱帝三年始癸未終乙酉
新莽之季僭稱帝者七人據地擁兵者十五人
○王郎稱帝于邯鄲○公孫述稱帝于蜀號
成改元龍興○赤眉賊立劉盆子稱帝于華
陰○鍾武侯劉望稱帝于汝南○梁王劉永

稱帝于睢陽。李憲稱帝于廬江。盧方詐稱武帝曾孫劉文伯倚匈奴稱漢帝于安定。彭寵據漁陽稱燕王。隗囂據隴右稱寧朔王。竇融據河西。延岑據藍田。王歆據下邳。芳丹據新豐。蔣震據霸陵。張邯據長安。公孫守據長陵。揚周據谷口。呂鮪據陳倉。角閔據沂。駱延據鹽屋。任良據鄆。汝章據槐里。各稱大將軍等號。

東漢光武皇帝名秀高祖九世孫南頓令欽之子以新莽篡位十四年壬午起兵春陵乙酉六月即皇帝位是為世祖都洛陽改元建武行夏正三年丁

亥平赤眉十二年丙申誅公孫述十六年庚子阼女子徵側徵貳反十九年癸卯馬援討平之二十二年丙辰東巡封泰山改元中元三十三年丁巳春二月帝崩太子莊即位是為顯宗孝明皇帝孝明皇帝元年戊午改稱永平二年己未行養老禮三年庚申帝寢金人圖功臣於雲臺八年乙丑佛法始入中國十八年乙亥秋八月帝崩太子烜即位是為肅宗孝章皇帝

孝章皇帝元年丙子改稱建初五年庚辰班超平西域九年甲申改元。和十二年丁亥以嘉瑞改元章和十二年戊子春正月帝崩太子肇即位年十歲是為孝和皇帝竇太后稱制

孝和皇帝元年己丑改稱永元四年壬辰竇憲謀逆
伏誅班固以附憲下獄死固女弟昭續成漢書十
七年乙巳改元：興冬十二月帝崩皇后鄧氏以
長子勝疾立少子隆始生百餘日是為孝殤皇帝鄧太
后稱制

孝殤皇帝元年丙午改稱延平秋八月帝崩立清河
王慶之子祐是為孝安皇帝鄧太后仍稱制

孝安皇帝元年丁未改稱水初周章謀廢立事覺自
殺八年甲寅改元：初河東地陷十四年庚申改
元水寧十五年辛酉改元建光鄧太后崩鄧騭自
殺十六年壬戌改元延光十九年乙丑春三月帝
南巡崩于乘輿皇后閻氏與兄閻顯迎立章帝孫

濟北惠王壽之子北鄉侯懿閻太后稱制

北鄉侯即位未改元乙丑冬十月崩閻顯秘不發喪
謀立他子宦者孫程等迎濟陰王保即位是為孝
順皇帝孫程殺閻顯遷太后于離宮以諸王禮葬
北鄉侯

孝順皇帝元年丙寅改稱永建七年壬申改元陽嘉
八年癸酉京師地陷八十五丈十一年丙子改元
永和十七年壬午改元漢安十九年甲申改元建
康秋八月帝崩太子炳即位是為孝冲皇帝梁太
后稱制

孝冲皇帝元年乙酉改稱永嘉春正月帝崩太后徵
章帝曾孫清河王蒜渤海王鴻之子續至京師梁

冀利續幼弱立之是為孝質皇帝罷蒜歸國梁太后仍稱制

孝質皇帝元年丙戌改稱本初帝目梁冀為跋扈將軍夏六月冀進毒弑帝迎章帝曾孫蠡吾侯志即位是為孝桓皇帝梁太后猶稱制

孝桓皇帝元年丁亥改稱建和四年庚寅改元和平春正月梁太后始歸政五年辛卯改元嘉七年癸巳改元永興九年乙未改元永壽十二年戊戌改元延熹十三年己亥梁冀伏誅夷其族二十年丙午黨錮事起二十一年丁未改元永康赦黨人歸里冬十二月帝崩竇太后竇武迎章帝曾孫解瀆亭侯棖之子宏即位是為孝靈皇帝

孝靈皇帝元年戊申改稱建寧陳蕃竇武謀奏誅宦者曹節等事泄為節等所殺遂遷竇太后于南宮二年己酉復治朋黨殺李膺等百餘人五年壬子改元熹平十一年戊午改元光和宦者王甫譖廢宋后幽死侍中寺雌雞化為雄十二年己未王甫伏誅十七年甲子改元中平二十二年己巳夏四月帝有疾以董太后所養王夫人所生子協年九月歲屬宦者蹇碩立為太子帝崩何后立其所生子辯年十四歲以協為渤海王改元光熙后兄何進殺蹇碩弑董太后徙協為陳留王秋七月何進召董卓袁紹兵誅宦者事泄宦者張讓段珪等殺進劫何后帝及陳留王出走河上盧植兵追及殺讓

珪投之河袁紹捕殺宦者二千餘人帝還宮改元
昭寧九月董卓自太原入廢帝為弘農王酖殺何
后立陳留王協是為孝獻皇帝改元永漢是年自
四月至九月改元者三

孝獻皇帝庚午改元初平董卓弑廢帝辯諸郡起兵
討卓、大殺宗室焚宮廟遷帝都長安三年壬申
王充使呂布誅董卓夷三族蔡邕下獄死卓將李
傕郭汜奔兵犯闕殺王允五年甲戌改元興平李
傕郭汜樊稠自開府如三公六年乙亥李傕殺樊
稠攻郭汜劫帝入營遷于北塢楊定楊奉董承以
帝東遷七年丙子帝還洛陽曹操遷帝于許昌改
元建安九年戊寅李傕敗死十年己卯董承受帝

衣帶中密詔命劉備討曹操十一年庚辰董承謀
泄曹操殺承起兵攻劉備獲關羽備奔冀州袁紹
十三年壬午越雋有男化為女十九年戊子曹操
自為丞相一十七年丙申曹操進爵魏王三十一
年庚子改元延康曹操死子丕代遂篡位廢帝為
山陽公徙居洛陽東漢亡後十四年甲寅帝卒
右東漢十三帝凡百有九十六年始乙酉終庚子
東漢之季叛亂及僭號者凡四十六人。安帝
辛亥年漢陽王信舉兵反唐喜討平之。順
帝壬申年海上魯旌叛亂攻會稽殺縣長三
人詔擊敗之是年揚州妖賊章河舉兵反陷
四十九縣殺長吏尋伏誅。戊寅年吳郡丞

羊珍舉兵反郡太守王衡斬之。壬午年廣陵張嬰奔兵反攻陷郡縣張綱討降之後復反攻殺堂邑江都長滕撫誅之。甲申年揚徐范容周生等奔兵反攻陷城邑詔討之俱敗死。冲帝乙酉年九江徐鳳馬勉等舉兵反鳳自稱無上將軍勉自稱黃帝據當塗攻燒城邑殺曲陽東城長滕撫討平之是年丹陽陸宮舉兵反攻陷城邑太守江漢擊破之又歷陽華孟舉兵反自稱黑帝殺九江太守楊岑滕撫討平之。桓帝丁亥年陳留李堅奔兵反自稱皇帝尋敗死。戊子年長平陳景舉兵反自稱黃帝子署置官屬又南頓管

伯舉兵反自稱真人尋皆伏誅。甲午年瑯琊公孫舉等舉兵反殺長吏陷青兗徐三州段熲討平之。庚子年瑯琊勞內等復反冠掠百姓趙中丞討平之是年太山孫孫無忌舉兵反攻殺都尉侯章詔宗資討破之。辛丑年南陽黃武與襄城惠得昆陽梁季以妖言相署皆伏誅。癸卯年桂陽李研舉兵反陳奉討降之。乙巳年桂陽胡蘭朱蓋等復反攻陷郡縣度尚抗徐等擊破斬之是年渤海妖賊蓋登反自稱太上皇帝有玉印珪璧鐵券相署置尋伏誅。丙午年沛國戴異得黃金印無文字遂與廣陵龍尚等共祭井作

符書自稱太上皇尋伏誅。○靈帝庚戌年會稽許生舉兵反自稱天子陳夤擊破斬之。○甲子年鉅鹿張角自稱黃天其部眾三十六萬皆著黃巾同日反角又自稱天公將軍弟寶稱地公將軍弟梁稱人公將軍皇甫嵩等討平之是年南陽黃巾張曼成攻殺郡守褚空詔秦頡擊斬之又巴郡妖巫張脩舉兵反寇郡縣詔討降之。○乙丑年北宮伯玉等寇三輔張溫擊破之。○丙寅年江夏趙慈舉兵反殺南陽太守秦頡王敏討慈斬之。○丁卯年金城韓遂扶風馬騰漢陽王國同舉兵反寇三輔尋討平之是年漁陽張純張舉等舉

兵反殺右北平太守劉政遼東太守楊終護烏桓都尉公綦稠純自稱天子寇幽薊公孫瓚討平之又零陵觀鵠自稱平天將軍寇桂陽孫堅擊斬之。○戊辰年益州黃巾馬相攻殺刺史郗儉自稱天子賈龍擊斬之。○獻帝庚午年弘農王白沙寇東郡董卓討平之。○壬申年三輔駱明以妖術舉兵反尋伏誅。○丁丑年汝陽袁術稱帝據九江尋敗死。○乙酉年真定張燕據黑山討降之。燕本姓褚聚陵張牛角為主牛角死燕代為。○丁亥年益州司馬張魯據漢中以妖術舉兵反降于曹操拜鎮南將軍。

蜀漢昭烈皇帝名備涿郡人漢景帝子中山靖王
勝之後勝子貞封涿縣陸城亭侯因家焉祖雄
父弘世仕州郡漢獻帝在位二年辛未備起為
平原相五年甲戌兼領徐州七年丙子為豫州
牧九年戊寅為左將軍十年己卯起兵徐州討
曹操董承謀泄操來攻奔冀州操獲關羽十一
年庚辰關羽來歸十八年丁亥見諸葛亮于隆
中十九年戊子徇荊州江南諸郡降之二十年
己丑領荊州牧二十二年辛卯劉璋遣使來迎
始入蜀二十六年乙未與孫權分荊州三十年
己亥擊破夏侯淵斬之使趙雲擊曹操于斜谷
敗之操引還遂取漢中乃稱漢中王使關羽取

襄陽三十一年庚子曹丕篡位蜀中傳言帝遇
害漢中王發喪制服謚帝為孝愍皇帝明年
辛丑夏四月漢中王即皇帝位以承漢統都成
都改元章武以諸葛亮為丞相立漢宗廟祫祭
高祖以下諸帝秋八月帝自將伐吳二年壬寅
吳陸遜進攻猇亭帝敗績還永安三年癸卯夏
四月帝崩太子禪即位諸葛亮受遺詔輔政帝
禪以癸卯夏五月改元建興封丞相亮為武鄉
侯領益州牧三年乙巳亮南征討雍闓孟獲南
中平五年丁未詔伐魏亮出屯漢中以圖中原
六年戊申亮伐魏戰于街亭敗績七年己酉亮
伐魏拔武都陰平九年辛亥亮伐魏圍祁山敗

司馬懿于鹵城斬其將張郃十二年甲寅亮進軍渭南司馬懿拒守亮始分兵屯田是年亮卒于師十六年戊午改元延熙二十二年甲子曹爽寇漢中費禕督軍救之二十六年戊辰費禕出屯漢中三十一年癸酉盜殺費禕三十二年甲戌姜維伐魏拔三縣三十六年戊寅改元景耀四十一年癸未改元炎興魏鄧艾攻蜀至成都帝禪出降皇子北地王諶死之魏廢帝禪為安樂公蜀漢亡蜀漢二主凡四十四年始辛丑終癸未通前後二漢共四百五十六年計劉玄新莽十五年除

魏文帝曹丕沛國譙人曹操之子也漢桓帝世曹

騰為中常侍封費侯養子嵩嗣爵官至太尉嵩本姓夏侯嵩生操靈帝十七年甲子操討黃巾賊有功獻帝七年丙子操入朝自為司隸校尉錄尚書事遷帝于許自為大將軍武平侯又三年己卯操不復朝請又九年戊子操自為丞相又三年辛卯操以其子丕為丞相副又二年癸巳操自稱魏公弒皇后伏氏及皇子二人又三年丙申操自稱魏王又四年庚子操死子丕自為丞相篡帝位國號魏改元黃初追謚操為武帝七年丙午丕死子叡立是為明帝元年丁未改稱太和四年庚戌假司馬懿黃鉞攻蜀七年癸丑青龍見改元青龍十一年丁巳黃龍見改

元景初以五月為歲首是年公孫淵自稱燕王
改元紹漢司馬懿擊斬之十三年己未復以寅
月為正月魏主叡卒養子芳立元年庚申改稱
正始七年丙寅曹爽專政十年己巳改元嘉平
司馬懿殺曹爽及何晏等懿自為丞相十二年
辛未懿死子師代自為大將軍十四年癸酉司
馬師廢魏主芳為齊王遷海上迎立文帝孫東
海定王霖之子高貴鄉公髦元年甲戌改稱正
元二年乙亥司馬師死弟昭代自稱大都督三
年丙子改元甘露五年戊寅司馬昭自為相國
封晉公六年己卯魏主髦討昭不克遇弒昭迎
立武帝孫燕王宇之子常道鄉公奐是為元帝

元年庚辰改稱景元三年壬午昭殺嵇康四年
癸未昭自稱晉國公五年甲申改元咸熙昭自
為晉王用天子服噐以子炎為副相國明年乙
酉秋八月昭死冬十二月炎即篡位廢魏主奐
為陳留王魏亡魏五主凡四十六年始庚子終
乙酉

吳大帝孫權富春人父堅漢靈帝二十年丁卯以
討黃巾功拜長沙太守烏程亭侯獻帝二年辛
未堅帥兵討董卓入洛陽脩陵廟得傳國璽三
年壬申堅卒子策代明年甲戌策據江南又四
年戊寅授策為討逆將軍封吳侯又二年庚辰
策卒弟權代又十二年壬辰權徙治建業又九

年辛丑權遣使降魏封為吳王明年壬寅徙治
武昌改元黃武遂拒魏七年戊申敗魏師于石
亭八年己酉始稱帝改元黃龍徙居建業十一
年壬子以野船成禾改元嘉禾十七年戊午春
正月赤烏集前殿改元赤烏二十二年癸亥騶
虞見三十年辛未改元大元明年壬申吳主權
卒子亮立改元神鳳又改元建興三年甲戌改
元五鳳五年丙子改元太平丞相孫峻死以從
弟綝為侍中輔改七年戊寅九月孫綝廢吳主
亮為會稽王立亮弟休是為景帝改元永安孫
綝自為丞相尋以謀逆伏誅三年庚辰吳故主
亮以謠言自殺七年甲申吳主休卒濮陽王興

與張布廢太子暉而立故太子和之子烏程侯
皓改元興二年乙酉改元甘露徙居武昌三
年丙戌復還建業改元寶鼎六年己丑改元建
衡九年壬辰改元鳳凰十二年乙未改元天冊
十三年丙申改元天璽十四年丁酉改元天紀
十七年庚子春二月晉伐吳皓出降封歸命侯
吳亡吳四主凡六十年始辛丑終庚子

晉高祖宣皇帝諱懿字仲達河內溫人姓司馬氏其先出自帝高陽之子黎黎為祝融歷唐虞夏商代序其職其後程伯休父周宣王時為司馬官克平徐方錫以官族因而氏焉祖隲穎川太守父防為京兆尹帝即防之第二子少有奇節聰明多略博學洽聞伏膺儒教漢末大亂常慨然有憂天下心魏武為

通麻卷第四

晉宣帝

景帝

文帝

武帝

惠帝

懷帝

愍帝

已帝

晉元帝

照帝

成帝

康帝

穆帝

哀帝

廢帝

簡文帝

孝武帝

安帝

偽楚桓玄附

恭帝

已上為東晉

晉高祖宣皇帝諱懿字仲達河內溫人姓司馬氏其先出自帝高陽之子黎黎為祝融歷唐虞夏商代序其職其後程伯休父周宣王時為司馬官克平徐方錫以官族因而氏焉祖隲穎川太守父防為京兆尹帝即防之第二子少有奇節聰明多略博學洽聞伏膺儒教漢末大亂常慨然有憂天下心魏武為

萬空辟之帝知漢祚方為不欲屈節曹氏辭以風痺
木起魏武使人夜往刺之帝堅臥不動及魏武為丞
相又辟為文學掾勅使者曰若復盤桓使收之帝懼
而就職與太子丕遊處及魏明帝即位令帝屯常安
諸葛亮帥眾十萬出斜谷壘于渭水南原帝率軍
禦之諸將欲住渭北以待之帝曰百姓積聚志在渭南
大必爭之地也遂引軍而進背水為壘謂諸將曰亮
若勇者當出武功依山而專若西上五丈原即諸軍無
事矣亮果上原將北渡渭帝弟上書問軍事帝復
書曰亮志大而不見機多謀而少決好兵而無權雖
提卒十萬已墮吾計中破之必矣與之對壘百餘日
會亮病卒燒營而遁百姓奔告追之至其營壘獲圖

書糧穀甚衆帝審其必死曰天下奇士也辛毗曰尚
未可知帝曰軍家所重軍書密計兵馬糧穀今並弃
之豈有人損其五藏而可以生乎追到赤岸乃知亮
審死時百姓為之語曰死諸葛走生仲達帝聞而笑
曰吾便料生不料死故也先是亮遣使至帝問曰諸
葛公起居何如日食幾米對曰三四升次問政事曰二十
罰以上親自省覽帝告人曰諸葛孔明其能久乎務
煩傷神吾可坐待其死竟如帝言遼東太守公孫文
懿反徵詣京師天子曰此不足以勞君事欲免故以
相煩耳君度還幾時對曰往百日攻百日還百日以
六十日為休息一年足矣於是平之男子十五已上七
千人皆殺之為京觀偽公卿已下皆伏誅時有兵士

寒凍乞襦帝不與之曰襦者官物人臣無私施齊王即位帝與曹爽共執朝政爽用何晏鄧颺丁謚之謀專擅朝政兄弟並典禁軍帝不能禁於是稱疾不干政事晏亦頗疑帝會李勝將莅荊州來候帝帝詐疾篤令二婢侍持衣衣落指口言渴婢進粥帝不持杯飲粥皆流出沾鬚勝曰衆情以明公舊風發動何意尊體乃爾帝曰年老枕疾死在朝夕君當屈并州并州近胡善爲之備恐不後相見以師昭兄弟爲託勝曰當還荊州非并州也帝曰年老意荒不解君言今爲荊州盛德壯烈好建功勳勝退告爽曰司馬公尸居餘氣形神已離不足慮矣故爽等不復設備嘉平元年正月天子謁高平陵爽兄弟皆從帝於是據武庫奏太后

廢爽兄弟帝親帥兵出迎天子於洛水桓範勸爽奉天子幸許曰羽檄徵天下兵爽曰司馬公正當欲奪吾權耳吾欲因事還弟不失作富家翁桓範撫膺曰坐卿滅吾族矣遂通帝奏而收爽及其黨皆誅之初使何晏治獄晏深刻窮竟異以自免終亦夷晏三族天子以帝爲丞相加九錫之禮初帝避魏武之命託以風痺嘗曝書忽遇雨帝不覺自往收之唯一婢見張后恐事洩殺婢以滅口親自執爨帝竒之後楊夫人有寵張后罕得幸帝嘗疾后往省焉帝曰老物可憎何須出也后恚欲自殺諸子亦不食帝聞而謝之后乃悅帝曰老物不足惜慮傷我好兒帝年七十三而崩天子素服臨吊喪儀依漢霍光故事晉國初建追尊宣王

武帝受禪上尊號曰宣皇帝帝內忌而外寬性猜忌多權變魏武察帝有雄傑又聞有狼顧相而驗之乃召使前行令反顧面正向後而身不動又嘗夢三馬共食一槽甚惡之因謂太子丕曰司馬懿非人臣相必傾汝家事汝其戒之太子素與帝善每相全仇之故免帝又勤於吏職夜以忘寢至於芻牧聞皆悉臨履由是魏武之意遂安誅曹爽之際大行殺戮皆夷三族男女無少長姑姊適人者皆赦之竟遷魏昺明帝時王導侍坐帝問前代所以得天下導乃陳帝創業之始及文帝末高貴鄉公之事帝以面覆床曰若如公言晉祚安得長遠迹其猜忍蓋有符於狼顧也公子曰諸葛亮冠代奇才志圖中夏非宣帝之雄謀

妙筭其孰能當勦敵者乎 先生曰宣帝起自書生參贊帝業濟時定難克清王道文武之畧實有可稱然多仗陰謀不由仁義猜忍詭狀盈諸襟抱至如示譔言於李勝委鞠獄於何晏愧心負理豈君子之所爲以此偽情行之萬物若使力均勢敵俱會中原以仲達之奸謀當孔明之節制恐非傳也 肅宗景皇帝諱師字元宣帝長子雅有風彩沉毅多大畧少流美譽與夏侯玄何晏齊名嘗稱曰唯幾也能成天下之務司馬子元是也宣帝誅曹爽深謀遠略與帝潛畫其事文帝不之知也將發之夕乃告之既而使人覘之帝寢如常而文帝卧不安席帝初陰養死士三千人散在人間至是一朝而集衆莫如其

所出也宣帝崩議者咸云伊尹既卒伊陟嗣事天子命帝輔政四海傾注朝野清肅然魏正元元年天子與中書令李豐后父張緝謀以夏侯玄代帝帝知之豐知禍及乃肆惡言帝怒遣武士以刀鏃築殺之玄緝並夷三族遂白太后廢天子為齊王歸蕃迎高貴鄉公即位天子加帝相國入朝不趨奏事不名劔履上殿以彰元勳帝上訓於天子曰荆山之玉雖美不琢不成其器顏冉之才雖茂非學不弘其量仲尼六予非王而知之者好古敏以求之者天子敬納焉鎮東將軍毋丘儉揚州刺史文欽舉兵矯太后詔令移檄郡國為盟於關西之外各遣子質於吳以請救帝統中軍征之倍道兼行與欽相遇欽子奮年十八勇冠諸

軍與十餘騎摧鋒陷陣所向披靡遂引去奔吳儉奔眾霄遁追斬之初帝目有瘤使鑿割之奮之來攻驚而目出懼六軍之恐蒙之以被痛甚齒被破而左右莫知疾篤使文帝總諸軍崩于許昌年四十八晉國建追為景王武帝受禪尊為景帝

太祖文皇帝諱昭字子上景帝母弟景帝崩天子命鎮許昌尚書傅嘏帥六軍還京師帝用嘏及鍾會嚴自師軍還進位大將軍錄尚書事輔政劔履上殿天子以帝三代宰輔政事非己出情不能安又慮廢辱將臨軒召百寮而行廢黜召侍中王沉常侍王業尚書王經出懷中黃素詔示之戒嚴俟曉沉業馳告於帝帝召護軍賈充等備之天子知事泄師左右攻

相府相府兵不敢動充叱諸將曰公畜養爾正為今日之事舍人成濟抽戈犯蹕天子崩于車中帝召百寮謀其事僕射陳泰曰可賈斬賈充徵以謝天下帝曰更思其次泰曰但見其上不見其次於是歸罪成濟而斬之殺尚書王經貳於我也與公卿議立燕王宇之子常道鄉公璜為天子進帝爵為晉王帝遣鄧艾伐蜀以少子攸為景帝後天子命帝冕十有一旒建天子旌旗出警入蹕乘金根車駕六馬立天子儀衛以子炎為太子晉國置御史侍中尚書諸衛將軍官屬諸方貢獻先歸相府帝崩年五十五武帝受禪追尊文帝

人功德孰為先後

先生曰景帝少有名節見重當

公子曰晉景文兄弟遞居宰相二

時所以何平叔云惟深也故能通天下之志夏侯玄是也惟幾也故能成天下之務司馬子元是也故知王佐之才著於徃日及誅爽之際智略已宣欽儉稱兵全軍獨克此足以見其英圖矣雖道盛三分而終身北面而威名震主而臣節不虧侯服歸全於斯為美太祖嗣興克寧禍亂南定淮海西平庸蜀役不逾時厥切為重及高貴篡位聰明夙智朝野欣欣方之文武不能竭忠叶贊擬跡伊周遂乃偽殺彥士高貴卿公字委罪成濟自逆貽節終享惡名斯言之玷不可為也武帝諱炎文帝長子寬惠沉毅有大度初文帝以景帝既宣帝之嫡早終無後以弟攸為嗣攝居相位百年之後大業歸之攸每曰此景王之天下也吾何與焉

將議立太子屬意於攸何曾等故爭曰撫軍聰明神武有超代之才垂手過膝此非入臣之相由是遂定文帝崩嗣位相國晉王下令寬刑撫衆天子知四海宅心厯數有在乃是太保鄭冲奉策禪位于晉帝即位改咸熙二年爲大始元年太監令程持獻雉頭裘帝以奇服典禮所禁焚于殿前勅内外敢有犯者罪之使王渾王濟伐吳平之送孫皓於洛陽收其圖籍剋州四郡四十三縣三百一十三戶五十二萬三千吏三萬二千兵二十三萬男女口二百三十萬除其奇政示之簡易吳人大悅封皓爲歸命侯吳之舊望隨才擢用帝乃臨軒大會引皓升殿群臣咸稱萬歲平吳之後諸將益增其爵西夷校尉郭欽上言勸因平吳之勢

驅夷狄於塞外不然者將爲後患帝不納其計後果夷狄作難遂傾中夏立皇子衷爲皇太子太子不惠直臣和嶠諫以爲季代多僞而太子純質非四海之主臣憂不了陛下家事衛瓘亦以爲言並不從帝南郊禮畢問劉毅曰卿以朕方何主也毅曰可方桓靈帝曰吾雖得不及古人猶克已爲政南平吳越混一天下方之桓靈其已甚乎對曰桓靈賣官錢入官庫陛下賣官錢入私門以此言之殆不如也帝大笑平吳之後惑於內寵納孫皓宮人數十掖庭並寵者衆帝不知所之乃乘羊車恣其所去宮人竝見以竹枝揀戶鹽汁洒地而引帝車帝曰羊亦爲爾作方便邪至便宴寢拜馬軍胡奮女爲夫人最蒙受幸帝嘗與夫人博

爭道悞傷帝指帝怒曰真將種也夫人曰北伐公孫
南拒諸葛非將種如何帝有慙色帝用近臣馮統之
讚遣齊王攸就國攸有德望朝野注心於是大夫人心
有著錢神論以譏賄貨公行太傅何曾每入時坐終
日帝不言經國遠圖但說平生常語曾還日將恐身
不免難能及嗣乎謂二子曰汝徒可免指諸孫曰此輩
必遇亂死及孫綏果遇臨刑其兄嵩曰吾祖其神乎
帝在位二十五年年五十五崩帝字量弘厚造次必
於仁恕容納讜言未嘗失色於人能斷大事有司奏
御牛青綯斷詔以青麻代之平吳之後天下又安息
於政事中朝之亂自此而起 公子曰武帝克平江
表混一字內可謂晉之明主乎 先生曰武帝平一

天下非曰不然至於創業垂統其道則闕矣夫帝王者
必立德立功可大可久經之以仁義緯之以文武深根
固蒂貽厥子孫一言一行以為軌範垂之萬代為不
可易武帝平吳之後怠於政事蔽惑邪佞留心內寵
用馮統之讒言拒和嶠之正諫智士永歎有識寒心
以此國風傳之庸子遂使墳土未乾四海鼎沸衣冠
殲滅縣宇星分何曾之言於是信矣其去明主不亦遠
乎惠帝諱衷字正度武帝第二子九歲為太子泰熙元年
四月武帝崩是日即位改元永熙尊皇后楊氏為太后
立妃賈氏為皇后五年冬武庫災累代之寶孔子履漢
高祖斬蛇劍王莽頭皆焚焉帝幼而絕古心無所達
妃賈克女為皇后后淫妬忌虐帝初母楊太后太后太

傳駿女也后遇姑無禮乃誣驥艾使帝誅駿廢太后於金墉城餓殺之時太宰汝南王亮與太保衛瓘並以名德執政后意多不得行乃使帝弟楚王瑋矯詔殺亮瓘后無子乃詐有孕取妹夫韓壽子尉祖養之太子適宮入謝氏之子少而聰惠后惡之譖太子亦廢於金墉城前西夷校尉司馬閻纂與棺詣闕上書理太子之寃曰臣伏念太子適長養深宮沉淪富貴受饒先帝父母驕之每見選擇師傅下至群吏率取膏粱擊鍾鼎食之家空有寒門儒素遂不見事父事君之道古典太子以士禮與國人齒欲令知賤然後乃貴自頃東宮亦微太盛所以致敗非但東宮諸王師友文學亦取豪傑力能得者非能以道訓又無直亮王益之

節官以文學爲號悉不讀書但共鮮衣奴馬縱酒博奕豈有切磋能相長益臣常恐公族凌遲以此歎息今適言語悖逆受罪之日不失子道尚可禁持重選師傅置遊談文學皆選寒門孤宦以學行自立及涉歷艱難名行素立者使與遊處絕貴遊子弟經薄賓客但道古今孝子養親忠臣事君及思愆過比日聞善庶幾可全帝不從賈后矯詔害太子梁王彤趙王倫矯詔廢賈后遂殺之司空張華僕射裴頠皆遇害倫自爲相國如宣文輔魏故事明年倫篡位遷帝于金墉城於是齊王攸之子囧起兵討倫擒倫黨孫秀等皆斬之逐倫歸弟乘輿反正誅趙王倫河間王顒表齊王囧窺伺神器有無君之心與成都王穎等同

會洛陽廢囚還第長沙王又奉乘輿屯南止車門攻囚
殺之顯穎復舉兵討又帝又遣又師軍禦之顯將張方
逼京師王師不利乃募王公家奴婢乎春給兵食公
私窮感詔命所至一成而已東海王越執長沙王又幽
于金墉城尋為張方所害河間王顯表請立穎為皇
太帝司徒王戎等奉帝北征穎穎遣其將石超拒戰
王師敗績于湯陰天及乘輿百官分散侍中嵇紹死
之帝頰中三矢王六圍遂幸超軍帝餒超進水左右奉
秋桃超遣弟熙奉帝之薨穎率群官迎謁道左帝下
輿涕泣其夕幸穎軍穎又為王浚所攻大敗與帝單車
走洛陽服御分散上下無資御中黃門布被次獲嘉
市麩米飯盛以瓦孟帝啖而孟及濟河張方帥騎以

青蓋奉迎因劫帝幸長安行次新安寒凍甚帝墜馬
傷足河間王顯率官屬步騎三萬迎於灊上顯前拜
帝下車止之十一月詔曰天禍晉邦家嗣莫繼成都王
穎自居儲貳政績虧損四海失望其以王還第熾先帝
愛子令問日新臣注望今以為皇太帝以河間王
顯輔政東海王越使將祁弘迎帝顯敗走弘等大
掠長安奉帝還洛陽帝乘牛車行宮籍草公卿跋涉
既至升舊殿哀感流涕食餅中毒或曰司馬越之禍
也崩年四十八在位十六年帝為太子時朝廷咸知不
堪政事衛瓘嘗侍晏撫武帝床曰可惜此座和嶠亦
以為言武帝默然不答後武帝欲廢太子楊后曰立
嫡以長不以賢豈可動乎太子遂定及居大位政出

群下紀綱大壞賂貨公行天下為之市賈焉帝嘗在華林園聞蛙聲問左右曰此鳴者為官乎為私乎或對曰在官地者為宮在私地者為私及天下荒亂百姓餒甚帝曰何不食肉糜其蒙蔽皆如此類也

懷帝諱熾字豐度武帝第二十五子惠帝時宗室構禍帝冲素自守門絕賓遊不交人事專翫史籍有名於時惠帝崩即帝位改永嘉元年王彌汲桑石勒劉聰所在寇掠京師餓甚帝羽檄徵天下兵謂使者曰為我語諸征鎮若今日尚可救後即無及矣時莫有至者百官流王十八九帝召君臣會議將出奔而警衛不備帝撫手歎曰如何曾車輿乃與朝士數十人導從步出西掖門至銅駝街為盜所掠不得進而還劉曜

石勒入京師帝開華林園門欲幸長安為曜等追及曜遂焚宮廟逼如妃后百官士庶死者三萬餘人帝蒙塵於平陽劉聰以帝為會稽公聰大會使帝着青衣行酒侍中庾珉號哭聰惡之帝遂遇弒在位七年年三十秘書荀崧曰懷帝天姿清勁少著英猷若遇承平足為守文之今主而繼惠帝擾亂之餘東海專征無幽厲之豐而有流亡之禍矣

愍帝諱繇字彥旗武帝之孫吳王晏之子懷帝蒙塵京兆尹梁綜迎之改元建興時王龜出灞水神馬鳴城南京帥黑霧着人如墨連夜五日乃止日墮于地又有三日相引出於面方東行盜發漢灞社二陵及薄太后陵太后面如生得金玉絲帛不可勝計時朝廷草創

服章多闕勅收其餘以實內府劉曜逼京師內外斷絕城中餒死未每斗直金二兩人相食死者大半太倉有麴數十餅侍中麴允屑其麴為粥以供帝至是復盡帝泣謂允曰今窘厄如此外無救援死於社稷是朕是也然念將士暴罹斯酷今欲聞城未陷為羞死之事庶全恭元免屠瀾之苦行遣書朕意決矣乃遣侍中宋敞送牋於曜帝乘羊車肉袒銜璧輿襯出降群臣號泣攀車執帝手帝亦悲不自勝在位五年蒙塵於平陽聰臨殿帝稽首于前後因大會使帝行酒洗爵晉臣在坐者多失聲而泣帝為聰所弒時年十八帝之繼皇統也屬永嘉之亂天下崩離長安城中戶不盈百牆宇頽毀蒿棘成林朝廷無車馬章服唯桑板署

號而已衆唯一旅公私有車四乘諸侯無勤王之舉故君臣窘迫以至殺戮公子曰晉惠之時張華裴頠盡忠王室扶顛救危猶足南面何以坐視其弊危而不救焉先生曰晉自太康之末風教凌遲俗流薄為日久矣况惠帝稟質下愚賈后天性克狡以克狡之性後下愚之質猶縱烈火而燎于原野自楊駿滅後誅戮相繼八王力爭戎狄窺覲頠網漏網一時崩潰非命代英雄不能正也張裴儒雅安足用之

右自武帝受禪至愍帝遇弒合五十二年

是為西晉中宗元皇帝興江東是為東晉

中宗元皇帝諱蒼字景文宣帝曾孫琅琊恭王覲之子帝生於洛陽有神光之異一室盡明所籍藁如始

列及長有白毫生於日角之左高準龍顏目有精
光顧眄煇如也年十五嗣位琅琊王惠帝時王室多
故帝常推讓以免子禍沉深有大度不示灼然故時人
未識焉唯嵇紹異之曰琅邪王毛骨非常殆非人臣之
相從討成都王穎湯陰之敗也帝懼禍及將出奔其
夜月明而禁街嚴警無由得去甚窘迫有唯雲霧晦
暝雷雨暴至徼者皆死因得潛出穎先令諸關無得
出貴人既至河陽爲津吏所止從者宋典後來以策鞭
帝馬而笑曰官禁貴人汝亦被拘也吏乃聽過東海王
越假帝揚州牧永嘉初用王導討始鎮建邺以顧榮
爲軍師賀循爲參佐王敦王導周顛刁協等爲服
心賓禮賢能存問風俗江東歸心焉時有玉冊見於臨

安白玉麒麟神璽見於江寧其文曰常壽萬年日有
重暈皆以爲中興之象及長安不守群臣上尊號帝
不許西陽王彧等以死請之帝慷慨而流涕曰孤罪
人也唯有蹈節死義以雪天下之耻吾本琅邪王諸
侯見逼不已及乎奴命駕將返國群臣不敢逼請依
魏晉故事許之即晉王位改元建武後愍帝崩問至
帝斬縲居廬百寮上尊號乃即帝位改元大興王敦反
據石頭帝遣使謂敦曰君若不忘本朝於此息兵則天
下尚可共安也如其不然朕當歸琅邪以避賢路敦乃
自爲丞相錄尚書事封武昌公尚書僕射多遇害帝
崩于內殿年四十七在位六年帝簡儉冲素容納直言虛
已待物初鎮江東頗以酒廢事王導深以爲言帝命引

觴覆之於此遂絕所幸鄭夫人衣不重綵然恭儉之德
雖克雄武之量不足秦時望氣者云五百年後金陵
有天子氣故始皇東遊以厭之改其地曰秣陵漸北山
以絕其勢及孫權稱號自謂當之孫盛以為始皇康
孫氏四百三十七年考其歷數猶未也及元帝之渡江
乃五百二十六年真人之應在此矣初云玄石圖有牛
繼馬後故宣帝深忌之遂為二楹共一口以貯酒帝先
飲佳者以毒酒鴆其將牛金恭王妃夏侯氏通於小
吏牛氏而生元帝亦有符云 公子曰中宗值天下崩
離創立江左俱為中興之主比於前代功德云何
先生曰元帝自居藩邸少有令問及建策南渡興亡
繼絕委任弘茂撫綏新舊故能嗣晉配天良有以也

然仁恕為懷剛毅情少是以王敦縱暴幾危社稷感
國舒禍其周平之匹乎

明帝諱紹字道幾元帝長子也幼而聰哲年數歲元
帝嘗置膝上屬長安使來因問帝曰汝謂日與長安
孰遠對曰不聞人從日邊來居然可知也元帝異之明
日晏群臣又問對曰日近元帝失色曰何乃異對曰
舉頭唯見日不見長安由是益奇之立為太子性寬
厚至孝有文武才略元帝崩即位政元太康師王敦
謀逆帝與王道溫嶠等決計征之敦屯于湖陰帝欲
察其營壘乃乘駿馬微行至湖陰敦方晝寢夢日環
其城驚起曰此必黃鬚鮮卑奴來也何以不縛帝母燕
代人狀類外氏敦故謂帝云敦使五騎追之會帝適

去馬有遺糞以水灌之逆旅賣飯嫗帝以七寶鞭與之曰後有騎乘可以此鞭示之俄而追者至問嫗嫗曰去已遠矣因以鞭示之傳翫久之又見馬糞冷以爲信焉後大破敦軍敦憤惋而死帝在位三年年二十七崩初王敦將移神器挾震主之心帝以弱制強潛謀獨斷廊清大侵撥亂反正雖饗國日淺而規模弘遠矣成帝諱衍明帝長子太寧三年立爲太子八月明帝崩即位尊皇后庾氏爲太后臨朝稱制改元咸和祖約蘇峻反卞壺戰敗遇害庾亮又敗於宣楊門於是王導陸曄孫嵩等衛帝於太極殿賊乘勝麾戈接於帝坐突入太后後宮左右侍人皆遭掠奪時太官唯燒餘米數石以供御膳百姓號泣震響都色太后以

逼辱憂崩年三十二峻遷帝石頭帝哀泣升車宮中慟哭溫嶠庾亮等帥舟師四萬攻峻於石頭斬之賊黨復立峻弟逸爲帥又大敗帝御于溫嶠舟中群臣頓首號泣請罪時大兵之後宮闕反燼以建平園爲宮五年帝幸司徒王導帝置酒大會是歲石勒僭即帝位八年石勒遣使致賂詔焚之帝在位十七年年二十三崩帝少聰敏有成人之量蘇峻之亂南頓王宗被庾量誅之帝不知及峻平帝問亮曰白頭翁何在亮對曰以謀反伏誅帝泣謂亮曰舅言人作賊便誅之人言舅作賊復如何亮懼色變庾懌曾送酒於江州刺史王允之允之與大犬斃允之懼而表之帝怒曰大舅欲亂天下小舅復欲爾邪懌聞飲藥而死嘗欲作射

堂計用四十萬金以勞費乃止雄武之量雖慙於前
王恭儉之德足追於往哲矣

康帝諱岳成帝母弟崩即位改元建元諒陰不言委
政於舅庾冰何克立子聃為皇太子帝在位三年年
二十三崩子穆帝立

穆帝諱聃字彭祖康帝子即位年二歲尊皇后褚氏
為皇太后臨朝稱政永和元年太后設白紗帷於太
極殿抱帝臨軒改元以桓温為安西將軍攻蜀平之
升平元年帝加元服姑親政事大赦改元飲飛督王饒
獻鴛鴦帝怒鞭二百使殿中御史焚其鳥於四達之
衢李勢降符堅率眾入關慕容儁僭帝位於中山帝
在位十七年年十九崩

哀帝諱丕字千齡成帝長子初封琅邪正累遷驃騎
將軍穆帝崩太后令曰帝奄不救徹嗣未建琅邪丕
中興正統明德懋親昔在成康屬當儲貳以年尚冲
幼未堪國難今義望情地莫與之比其以王奉大統
百官奉迎于琅邪弟遂即帝位帝雅好黃老斷穀餌
長生樂服食過度中毒崩于西堂在位四年年二十五
廢帝諱奕字延齡哀帝母弟哀帝崩即位桓温自廣
陵詣關因圖廢立宣崇德太后令廢帝為東海王帝
着曰袷單衣下西堂乘犢車出神獸門群臣拜辭莫
不歎歎在位六年初桓温有不臣之心欲先立功河朔以
奴時望及軍敗威名頓挫遂國廢立以長威權然憚
帝守道恐招時議以宮闈重闕床弟易誣乃言帝

為闡遂行廢辱帝每以為慮嘗召術人危謙筮之
卦成曰晉室有磐石之固陛下有出宮之家竟如其
言咸安二年降封帝為海西縣公帝知天命不可再
興深慮橫禍乃杜塞聰明無思無慮終日酣飲耽于
內寵有子不育無保天年時人怜之遂作歌焉朝廷以
帝安於屈辱不復為慮之太元十二年崩年四十五
簡文帝諱昱字道萬元帝少子幼而岐嶷郭璞見而
竒之謂人曰興晉祚者必此人也及長清虛寡欲在善
玄言初封為琅邪王永和初崇德太后臨朝拜大將
軍錄尚書事廢帝徒封會稽王進位丞相太后詔
曰丞相會稽王體自中宗明德勛令英秀玄虛神
棲事外阿衡三大道化宣流人望攸屬為日久矣宜

從天心以化皇極主者明依舊典以時施行於是大司
馬桓溫及百官奉迎即帝位改元咸安溫逼新蔡王
晃詣西堂自列與武陵王晞謀反帝對之流涕溫昏
收付廷尉帝不許溫固執至于再三詔報曰若晉祚
靈長公便宜奉行前詔如其大運去矣請避賢路溫覽
之流汗變色不敢言乃徙晞于新安立昌明為皇太
子帝在位一年崩年五十三帝少有風儀善容止留心
典籍不以居處為意凝塵滿席湛如也桓溫威震內外
帝懼廢黜中書侍郎郝超請急省其父帝謂超曰致
意尊公家國之事遂至於此由吾不能以道匡衛愧
歎之深言何能喻因詠庾闡詩云示痛朝危臣哀主
辱遂泣下沾襟帝雖神識怡暢而無濟再衣略謝安

稱爲惠帝之流清談羗勝耳

公子曰東晉自元

帝已下何爲賢主

先生曰晉自遷都江左疆臣

擅命垂拱南面政非已出王敦以磐石之宗居上流之賈負才矜地志懷問鼎明帝之雄斷王導之忠誠則晉祚其移於他族矣若使降年永久佐任群賢因瘴澗之遺黎乘劉石之衰運與復中原不難圖也

孝武帝諱昌明簡文弟三子初封琅邪王簡文崩上即位改元寧康崇德太后臨朝攝政大元元年帝加元服太后歸政帝始臨朝帝初奉佛法立精舍于內殿引沙門居之八年苻堅師衆寇淮南征討都督謝石冠軍謝玄等戰于淝水大破之初間大舉衆號百萬朝廷將謀元師衛將軍謝安曰唯兄子玄可當北

任即遣玄及安子琰率銳士八萬擊破堅軍始聞有之軍舉朝咸懼桓冲在荊州遣軍援國謝安怡然不懼止冲之時冲對寮佐歎息以爲必敗及破賊有驛書還報安安了無喜色朝野服其度重詔以琅邪王導子爲中軍將軍帝母弟也無才能但以親舉用殷仲堪王恭皆帝心膂姚萇背堅起兵於北地慕容冲僭帝位代王珪國始稱魏帝在位二十四年年三十五崩帝幼而聰悟簡文之崩時年十感至晡時不臨左右進諫荅曰哀至即哭何常之有謝安嘗歎以爲精理不減先帝威權已出雅有人主之量既而沉於酒色爲長夜之樂末年有長星晝見帝心惡之夜於華林園舉酒祝之曰長星勸爾一盃酒自古豈有萬歲天子

邪太白連年晝見也農水旱為變者相屬醒日既少而
傍無正人竟不能改時張貴人有寵年近三十帝戲
曰爾年當廢矣貴人潛怒向夕帝醉遂明于清暑殿
初簡文見識曰晉祚盡昌明及帝之在孕也李太后
夢神人曰汝生男當以昌明為字及產東方始明因
以為明簡文悟乃流涕後至帝崩西晉祚傾矣

公子曰中興之政咸歸大臣唯孝武為君威福自己外
催彊寇人安吏肅此於明帝功業何如 先生曰孝武
克夷外難乃謝安之力也非人主之功至於委任會稽
棟梁已撓殷王作鎮亂階斯起昌明之識乃驗於茲加以末
年沉宴卒致傾覆比蹤前哲其何遠乎 公子曰
謝安為相可與何人為比 先生曰昔顧雍封侯之日

而家人不知故前代稱其賢乎夫以東晉衰微江左
凋弊戎狄交侵疆場日蹙况永固驍英主親率百
萬符融名將執銳前驅厲寶衡之甯距騁張蚝之
鋒鏑先築賓館以待晉居疆弱而論雖鴻毛大山不
足為喻文静深拒桓冲之援不喜謝玄之書則勝敗
之數固以在於膏中矣斯人也豈以區區萬戶之封動
其方寸矣若論其度量近古已來未見其匹惜哉不
與八元三傑齊衡接軼驤首太階贊升平之業矣
安帝諱德宗孝武長子武帝崩即位以後褚王道子
為太傅攝政兗州刺史王恭舉兵以討僕射王國寶
為名甲申殺國寶以悅恭恭乃罷兵恭入與桓玄舉
兵反劉牢之敗恭斬之桓玄又與王師戰王師敗績桓

玄自為侍中楚王十一月遷帝于尋陽玄篡位劉裕與何无忌劉毅等舉義兵破玄乘輿反正劉裕為侍中盧循頻敗王師乘勝至淮口劉裕擊走之裕又伐姚泓克長安帝在位二十二年年三十七崩帝不會自少及長口不能言雖寒暑之變無以辨也凡所動止皆非己出故桓玄之篡因此獲全初讖云昌明之後有二帝劉裕將欲禪代密使王歆之繼帝而立恭帝以應二帝

偽初桓玄字敬道大司馬桓溫子為江州刺史刑凡瓌傑風神踈即負其才地以雄豪自處率眾下京師朝廷震駭以玄為丞相遂篡帝位司徒王謚入解璽綬遷帝于尋陽以王謚為丹陽尹下軌之為將軍殷

仲文為佐命桓謙為揚州刺史桓徽為吏部尚書王綏為中書令謝鯤為侍中皆人表也玄性貴奇好異志無一定糺摘纖微以示聰悟自篡逆之後驕奪荒侈不理政事馳馱畋獵不捨晝夜百官皆繫馬省前文武困乏百姓力竭宋武帝隨桓修朝玄玄厚禮之玄妻謂玄曰劉裕龍行虎步瞻視不凡恐非久居人下玄曰吾方清中原非劉裕莫可以討事待關隴平定徐思其宜及舉義旗玄有憂色謂左右曰劉裕勇冠三軍當今無敵劉毅家無檐石之儲而標蒲一擲百萬何无忌劉牢之外生酷似其舅共舉大事何慮不成宋武大破桓謙于覆舟山玄曰朕其敗乎曹靜之對曰人怨神怒臣實恐懼玄曰人或何怨神復何怒靜之曰遷

晉七廟飄泊江涓大楚之際不及於祖此所以奴也遂
嘿而無言乃馳出西掖門而走秦軍胡蕃攬玄馬控
曰羽林細射皆楚人也受累代恩澤不驅令一戰是欲
何歸玄不對但舉策鞭馬而走累日不食或進糲粥
噎不能下其子升年五歲抱玄背撫之而泣玄悲不
自勝督護馮遷追斬之僭位一年 公子曰桓玄聰敏有
夙智其才遠略亦一代之異人而遂至滅亡運祚不終何
也 先生曰夫人君之量必器度宏遠虛已應物覆
載同於天地信誓合於寒暄然後萬姓樂推而不戢
也被桓玄者蓋有浮狡之小智而無含弘之大德值
晉室衰亂威不遠下故能肆其爪牙一時篡奪安國
治人死聞焉爾以僥幸之才逢神武之運至於夷滅

固其宜也

恭帝名德文安帝母弟桓玄篡位與安帝俱在尋陽
玄死桓振奄至躍馬奮戈直至陛下瞑目為安帝曰
臣門戶何負國家而屠滅若是帝乃下床謂振曰此
豈我兄弟意也振乃下馬致拜安帝崩劉裕以帝為
嗣明年裕至京師帝乃遜位于裕裕以帝為零陵王
居秣陵行晉正朔車輿旗服一如其舊有文而不備
其禮帝在位三年後為裕所殺年三十六始元帝以丁
丑歲稱晉王使郭璞筮之曰享二百年至此一百四載
然丁丑係西晉終年入宋所餘唯一百二歲璞固以百
二之期促故婉而倒之為二百也

右自元帝中興至恭帝遜位于九十一帝一百四年

